



22075

III

P

laus

scriptum dux

*Malski Andreae: Laureum Stanislactum
et aureum Lauretum.*

PANEG. et VITAE

Polon. Fol.

Æ 1770.

LAVREVM

STANISLAETVM

ET

AVREVM

LAVRETVM

Seu, ab

ILLVSTRISSIMO DOMINO

STANISLAO

ZOŁKIEWSKI

Cancellario Regni, & Exercituum Duce
Supremo, Baren: Iauorouieñ: Kamionac:
Capitano.

BASILICA

SANCTORVM


STANISLAI & LAVRENTII

MARTIRVM

ZOŁKIEVIÆ

Ereċta, Extructa, Fundata. *i.*

Et Regno, & Generi, Zolkicui Magne. Tuorum.
Æternam vivens, famam moriensq; dedisti.



Zolkicuii ad Soleam, Sueci, Turcusq;, Gethesq;,
Et Moschouitzæ, supposuere caput.
Quid, quod ad occasum Cæsar, cum Cæsare ad ortum.
Zolkicuium, in Lechis senserat esse Virum.
Zolkicuii Pietas, & Mars, noscere per ævum:
Vult non vulgarem Crux geminata Ducem.



22075m

ILLVSTRISSIMIS HEROIBVS.

Illustrissimo Domino, Domino

IACOBO

A SOBIESZYN

SOBIESKI

Palatino Belzensi, Krasnost: Iawor: Capit:

Et eiusdem Coniugi ILLVSTRISSIMÆ DOMINÆ

D. THEOPHILÆ

In ZOLKIEW

Palat: Belzen: Krasno: Iawor: Capitanæ

In Zloczow & Zolkiew Hæredibus.

DD. & Patronis Colendissimis.

IN Auitum Laurinemus, Amplissimas inter Hæreditates vestras,
deprehensum, (verbo) in Laureum Stanislæum, lauro & auro opu-
lentum, ne dùm Aurcolis visendum, & Laureolis, veluti Elysium
Campum quendam, digitum (quod aiunt) scriptorium intendo Vobis
Illustrissimi Herôes, & Coniuges. Equidem, vestrum fuerit, Lau-
retum hocce vestra in hæreditariâ Vrbe relaxandi animi causâ reuifere.
Sed quid ita? Argusne ego acutum præ aliis cernens an Apelles mihi
ipsi pingendi, aut Lisippus fingendi Zolkiewianos in Lauro, intra Lau-
retum hocce, vultus; An Theseus esse ambiam: ducturus intrò Laurean-
dorum Par Vestrorum Filiorum Marcum, & Ioannem, Vestri, et
Zolkiewii simillimos Aquilæ Polonæ pullos, Palatinidas Belzenses? Ho-
rum nihil mihi arrogo officiorum. Patere nihilominus volo Lauretum
Zolkiewianum. At cui? Integritati, Sapientiæ, Martyrio, Imperatorum
triumpho. Date Heroicos visendo isti Laureto animos, et oculos,
Illustrissimi Herôes. Enim verò et Tibi ð Palatine Belzensis, Virtus,
Sapientia, Religio Catholica, Patria, Resq; ista publica Polonia debet
Laureas, vel ob Osmanum Turcarum Tyrannum, ab Chocimos; vel ob
Gustauum Sueciæ perduellem, ab Mariæburgo depulsum, Mercuri-
alis & Martialis caducei Tui flexanimâ prærogatiuâ. Excipe verò
Belzensis Palatinus, Kiowiensem; Agamemnonem Exercituum Regni
Ducē, ð Nestor Togate, & Sagate Polonia. Cancellarium habe, votis
universæ patriæ, ipse, isto honestamento dignissime. O æmulam tuam in-
terea

reā virtutem, vindicandam æternum Catoni illo elogio, honorificen-
 tius quæsituros posteros; Cur non Catoni honor Catonianus delatus
 quispiam sit? Capitaneus deniq, Capitaneum accepta. Viraq, Heros
 es. Sed Iliadem quispiam in nuce compegerit: ego nē in Clypeū Gentili-
 tium Tuos Illustrissime Palatine in Republicā Mauortios, et Mer-
 curiales Trismegisticos labores sponderim redigendos. Lapsa ancilia
 cælo, Romæ seruata ad Reipublicæ salutem. & Vestrum genus, Palla-
 dium censetur esse Poloniæ. Troiani Clypei non enarrabile textum
 Cyclopes formauerint. Sobieskiani Clypei cælaturā fama in Historiis
 Polonorum immortalitati commendabit. Perlegere oculiserit Mar-
 cum Sobieski Palatinum Lublinē cum Stephano Bathoreo Moschos
 contrā, & Gedanenses, belligerantem. Sebastianum Sobieski Regni
 Vexilliferum, rei militaris miraculum, Antonomasticos, audientem.
 Et Te Illustriss: Iacobe Sobieski Palatinum Belzēns: Virtus & Fama
 loquetur, Hispaniæ amplissima Regna pietatis & sapientiæ Catho-
 licæ ergo peragrante, contra Schismaticos Moschouitas, Te Aurei ve-
 xilli aureū Magistrum Equitum, Aurei Velleris centurias ductantem:
 Ab Dnestri littore à Sarmatiā Poloniæ per Danubium, in Turciæ
 oram Osmano Imperatori admirabilis Nestorē eloquiū Suadā regres-
 sum persuadentem: Federati Militis Chocinensis machinationes,
 priusquā in Gordium nodum coiret, dissoluentem: Turiæ Scytharum
 Machometismo scintillanti, ad Martinovum, & ad Gorczyczany,
 occurrentem: cum hybris Kozakorum, multorum bellis caput, pro
 Ecclesiæ & Regis maiestate, ad Cibelnikum, & Niedzwiedzie Lo-
 zy, (Vrsorum latibula) decertantem: contra Hæresim Suecorum, in
 Gustavo Prussiæ inuasore, ad Czczowum, & ad Marienburgum, op-
 primendam, dimicantem: & ne bello arderet mare Balticum, salu-
 tares Reipublicæ tantisper belli inducias reportantem: Abbazy Bassiæ
 Tyrannicæ ad Podoliam, vel Kameneciam occupandam festinationi,
 iteratā expeditione, consilio, milite, personā, coram, obuiantem: nē quid
 reliqui ciues Patriæ paterentur, capitis Tui periculo, omnia salutaria,
 omnibus prosperitatem. Caterū, nec illa Togata honestamenta Tui,
 ætas consequens oblitterabit. Te, in Funere Sereniss, Sigismundi
 III. ac Constantiæ; tum in Electione, Coronationeq, Vladislai IV. &
 in eiusdem Hymeneo, Cecilieq; Renatæ, & in comitatu Regiæ profe-
 ctionis, ad Ferdinandum III. Imperatorem Romanum, Te inquam Tuas
 (quarū pars magna fuisti) Sparthas obiuisse, egisse, ornasse. Vbique Tu
 Nobilitatis Cyneas; Arcopagi Lublinēns. Aristides; Comitiorum Re-
 gni, Catonianus Nestor.

Cui præterea, Illustrissima & Theophila Sobieska Palatina Belzēnsis,
 cui inquam potius, quā Tibi, Auum Tuum Maternum Stanislauum
 Zolkiewium, Auunculum Ioannem Zolkiewium, Patruelem Lucam Zol-
 kiewium, Fratrem desideratissimum Stanislauum Daniloviciū, exhi-
 beam Laureatos? Quod si ista decora Patriæ, Marco & Ioanni
 Sobieski, Filiis Vestrīs, æmulanda videantur? non diffiteor.

Reginam

Reginam igitur ab Herburtis Zolkiewiam, Auiam Tuam; & Zophiam
 de Zolkiewio Danilowiciam Matrem Tui; Catharinam à Zolkiewio,
 Amitam, Stanislai Koniecpolskij Ducis Exercituum Castell. Cracou.
 Consortem; Virginem Dorotheam etiam Danilowiciam Sororem, Be-
 nedictinam Religione; Tuam tamen sanguine. Totum hoc Patricium
 Genus, vel Tibi, vel Tuis, Catharinæ & Annæ Filiabus, exemplo
 Sancti Hieronymi, talia suis, Eustachio, Leta, Blesilla, Asella,
 non expectatā ætatulā præscribenti, offero. Vestrum, uniuersum esto
 hoc Lauretum, & Heroes. Lauro dignissimum Par in omnes æternita-
 tes uirete. Maacte virtute Zolkiewianā, ab Zolkiewio, in Vestrum
 Genus, cum asse hæreditario derivatā laureandi Anno, 1640.
 Septembr: 21.

Illustrissimis Celsitudinibus Vest^{re}
 ita precatur.

Ad Aras Eiusdem Ecclesiæ Zolkiew:
 Presbyter Andreas Malski
 Concion. Ordin.



LAVRETVM ZOLKIEVIANVM



TSI vereor, ne iniuriam facere videar Italiae, Vrbi, Ecclesiae, Religioni, ceterisque Christianis Lauretū peregrē commitantibus; qui in Regno Poloniae, ad Leopolum Russiae, in Civitate Zolkiew, appellare audeam *Lauretum Zolkiewianum*: tamen quia dissimulare non possum, etiā Europaeam in Poloniā Sarmatiam, cum Italiā in dies vrbiū firmitate, Ecclesiarum maiestate, Religionis integritate, Christianorū vniuersali certare propē pietate; non difficile existimo, me appellationis assumpto nomine, sine cuiusquam offensione, gauisurum. Enim verō, ego hodie non vniuersae suscipio patrocinium comparationis; verū vnius Basilicae Zolkieuianae, Diuis Martyribus, *Laurentio & Stanislao* exstructae, suspensus admiratione hāreo: ad eam obtutum defigo: adesse huic animis, qui corporibus nequeunt, cupio: æmulos simillimae pietatis ad posteros transmittendae Herōes desidero: Duces facti optimi, de Republicā Polonā & Christianā Religione meritissimos, in concilium aui beatioris referendos, censeo: vel ob solam in hoc Laureto Zolkieuiano Basilicam, quam ego dici cupio ex nomine Laureatorum *Laurentij & Stanislai* Martyrum, *Lauretanam*. Equidem in eā sententiā esse libet, quocunq; oculos conijcio, siue Martyrum par Tutelarium Diuorum veneror, Laureatos esse Ecclesia Apotheoseos auctoritate toto in orbe Christianitatis pronunciauit: siue erectae Basilicae principes Zolkieuios admiror, purpuratos suo pro Republicā Christianā sanguine, aduersusq; Turcas, & Tartaros Christiani hostes nominis, occubuisse Herōas, nulla vnquam posteritatis memoria conticescet. Compendiosa est hāc via, ex Sarmatiā Poloniae ad Laureas immortalitatis, vel in Laurentinam Basilicam liberalitate; vel Zolkieuiani Sanguinis quaternā ad Reipublicae Christianae salutem prodigalitate. Deniq; Basilica hāc immortalium ferax Laurearum, Academia quaedam vniuersalis mihi esse videtur, vbi & Martyribus, & Exercituum Imperatoribus, & Doctoribus, & virtutis integritate Illustribus suae debeantur Laureae; & vnde cœlum absit *paucis vlnis*: imō noctes atq; dies, pateat alti ianua cœli: vnde ascensus sit, superas euadere ad auras: vnde

vnde facili compendio mortales euectet ad æthera virtus. Atque his adductus rationibus Zolkieuianam Laureum nuncupare volueram; ceterum, quia plures certatim Lauros inuenio; *Lauretum Zolkiewianum* ampliatio fertilitatis nomine appellabo. Quod dūm verbis certum firmumq; facere contendo; Triadem Diuinitatis, *Patrem, Filium, Spiritum Sanctum*, Christiano dogmate apprecor, venerorque. Faxit Entis entium Omnipotentia, Sapientia, Beneficentia, vt ad pares Laureas immortalitatis animorum desideria nostratium etiam exardescant.

Virtutis pulchritudinem etsi oculis corporeis videre non licet, animorum tamen in eam ferimur obtutibus: vt vel in hoste posita delectet, & vel remotissimas in oras trahat in sui desiderium, & honorem. Sanē, qui virtutem coluerunt, Diuorum numine & nomine audiuerunt. Ita Herculem, Martem, Mercurium, Apollinem, Iouem in cœlo esse fabulosa gentilium renunciauit antiquitas. Virtutis porrō sectatores, Quernis, Populeis, Myrteis, Aureis coronis ornandos, prisci ætas sæculi censuit. Vnde Virgil. Eclog: 7. *Populus Alcide gratissima; Pastores hederā exornate Poëtam*. Laureas in præsens ego demirabor coronas: imō Lauros, imō Lauretum. Atq; ita Latinorū Princeps quispiam, à Lauro memoratur; Laurentis nomen posuisse colonis, vt ex Lauro ominosa virtutis & gloriæ domicilium esset perpetuū, sacrumq;. Quā de re Maro lib, 7. *Laurus erat tecti medio in penetralibus altis sacra, comam, multosq; metu seruata per annos, quam Rex inuentam primas cūm conderet arces, ipse ferebatur Phæbo sacrasse Latinus*. Equidem Phæbo sua Laureæ nulla, si ad trutinam Christianae Religionis Academiæ res veniat. Deo Optimo Maximo Triadi Sanctissimæ, Integerrimæ Magnæ Matri Virgini Deiparæ Mariæ, Diuis quæ Laurentio & Stanislao *Lauretum* istud *Christianum* in Sarmatiā Poloniae Catholicum Zolkieuius plantauit. Ille Auorum suorū Terræ Chelmenensis, è Palatinatu Russiae, ab ipso Micislao Primo Christiano Polonorum Principe non degener. Ille in Maioribus suorum, Terrarum Russiae Palatinus. Ille Ecclesiae Metropolitanae Leopoliensis, vel æreis tabulis sepulchralibus comprobatus propugnator. Ille, qui veriùs, quàm Æneas gloriatur. *Et mi genus ab Ioue summo*. Ille, qui rebus præclarissime gestis, ceteris insonet. *Et nos aliquod Patriæ nomēq; decusq; gessimus*. Sanē Stanislao Zolkieuium audiet, & *Si quem tellus extrema refuso submouet Oceano, & Si quem extenta plagarum quatuor in medio dirimit plaga solis iniqui*. Audiet (inquam) ab Zolkieui Diuis Laurentio & Stanislao Martyribus, nunquam satis laureandam Basilicam esse collocatam: eandemq; ab Ioanne Andrea Prochnicio, Archipræsule Leopoliensi Catholicae pietatis ritu consecratam. Et verō, quis prohibet muros iacere, & dare ciuibus urbem? nulla ne *Zolkiewiae* dicentur *mœnia Lauri*? Dicentur verō, & dicuntur: vtq; viret semper Laurus, nec fronte caducā carpitur, æternum Zolkieuiana virtus sic habet ipsa decus. Suspicit Ouidius Trist: 3. Elegia 1. Augusti Octauiani palatiorum propylea; cur appositā velatur ianua Lauro? cingit & augustas arbor opaca fores? Causamq; subiicit, quia perpe

perpetuos meruit domus illa triumphos. Ausim ego hoc ipsum de Zolkieuio Acroama dicere. At interea Martyrum Diuorum gloriæ velificabo. An non perpetuos meruere triumphos? Sanè mundi personatas præcellencias, carnis lasciuientis illecebras, oppugnantium nos Cacodæmonum fallacias deuittasse; Africam est, & Asiam, imò totum orbem terrarum detriumphasse: nec elementis, nec suppliciis vinci, immortalitatis Diuinæ cuiusdam est prærogatiua. Igni datur Laurentius; armata sæuit vngulis tortoris infani manus: *Sed permanet non mobilis vitæ perennis gratia.* Nec dissimiles Stanislai Sancti Laureæ. *Certans pro iustitiâ, Regis non cedit furie: stat pro plebis iniuriâ, Christi miles in acie.* Vin' plura? *Tyranni truculentiam, qui dùm constanter arguit, Martirij victoriam membratim casus meruit.* Admirandum par Martyrum, perq; simillimum. Valerianus, Laurentio; Bolelaus Audax, Stanislao; vt raptant aurum Ecclesiæ, avaritiâ inflàmantur: vt autem auferant Christum, animiq; virtutem, impietate exardescunt. Præcipit ille Laurentij corpus subiecto igni torreretur, vt per cratē ferream fieret cruciatus productior; hic, rem, propè inter sacrâ, vulnere primū lethali, caput Stanislai proscindit, cerebroq; eius parietē inspergit, corpus deinde in septuaginta duas partes discindit. Cæterum nihil obtines, nihil proficis crudelitas. Nam & Laurentio concessū tormentorū incendia superare, & Stanislai corpori, pristinam ad integritatem redire: vt verè liceat, cum Leone Pontifice Acroasin ordiri. Sæuistis percussores in Martyres; sæuistis, & auxistis palmas, dùm aggersistis pænas. Sanè vtriq; Diuo Martyri supplicij instrumenta in honorē triumphi transierunt, Laureatissimos vos verò Martyres, aut Vtrumq; Laurentium à Lauro, aut Vtrumq; à gloriâ æternitatis, Stanislaum. Seruauit peculium Ecclesiæ Laurentius; seruauit Stanislaus, suo sanguinis, & vitæ periculo. Valeriano restitit Laurentius; Bolelao itidem restitit Stanislaus. Cæcos illuminat Laurentius; ad vitæ portum redit Stanislai apud Deū voto vitæ triennalis expers Piotrauinus. O Par Laureum! O Par sanguine Martyreo purpureum! Rectius ob istos vestros perpetuos triumphos, Basilicæ vestræ apposita velatur ianua lauro. Iustius cingit vestras ædes, quàm Octauiani palatij Laurus fores.

Alterum encomiū Lauri comperio; Leucadio, seu Apollineo semper *amata Deo.* Ego verò vt Apollinis Deastri nullum Numen, ita & Lauream nullam agnosco. Si quid Laurei honoris hîc est, id Sapientiæ tributum iri peruineo Christianæ. An enim sapientiam dixero elementorum & Meteoron? terrarum? cæliq; Anathomicam distributionem? Sapientiam profiteor Christianam: Vnitatem scilicet Diuinæ Essentiæ in Personarū Trinitate. Diuinæ gratiæ ductu existius mundi Labiryntho in celestium Rerumpublicarum societatem commigrandi suscipio felicitatem. Diuitiarum, voluptatum, honorum, Euripo non abripi: ita & Reipub. & proximorū cōmodis non segnè adesse, & prodesse; solis, syderumq; cælestiū ad instar, in hæc inferiora benignissimo fertilissimoq; influxu. Hanc, non è Iouis cerebro natam; sed è cœlo per Messiam Christum

Christum IESVM Dei Patris æternū vnigenam allatam Sapientiæ Christianæ Palladem nesciuit Plato, ignorauit Pythagoras; Aristoteles, & Socrates, cum Peripathteticorum, Stoicorumq; scholâ, ne somniâsse quibusdam videri possint. Cuius Diuinæ Sapientiæ non nisi in Ecclesiâ Christianâ Catholicâ Romanâ quæruntur, succrescunt, conferuntur Laureæ. Vbi enim sanctius Sapientiæ domicilium? Ne tu mihi Ægyptiorum, aut Atheniensium, aut Gymnosophistarum, aut quorumuis aliorum dogmata deprædices. Nihil ista omnia ad seriem sanctissimæ Christianæ pietatis exercitamenta. Equidem in Theologicis veritatibus promulgandis, confirmandisq;, an non Lauro digna capita Pontificum decernentium, definiendum, canones præscribentium, & cum ijs, eorum, qui operâ vicariâ iisdem in veritatibus suffragantur? Quid in Euangelio collaborare ijs, quibus dicitur; *Vade, & prædica populo?* opus implere Euangelistæ? consecrare os suum Euangelio? oppugnare Hæreses? demoliri Schismata? animas ab descensu Auerni superas euocare ad auras? scelerum contagiones auferre? cum Sanctis ad eorum exempla viuere? virtutum palæstras excitare? Quid Sacramentorum administratio? participatio? Vbi nos Ecclesia parturit, donec Christus in nobis formetur? vbi filios adoptionis esse licet, hæredes Dei, cohæredes Christi? Quid praxis dirigendarum quæ in Deum conscientiarum, quæ in proximum, quæ in sui perfectionem? Non centoculos Argos, non Theseos fidissimos, animiq; latebrarum peritissimos requirit? Quò me vertam, nescio: quid prius deprædicem, ignoro. Panemne paruulis frangi, & lac præberi, principiorum Theologiæ, in Cathedra si perpetuâ fundatâ? Ad populum Zolkiewianum in solennitatibus Diuinis de rebus multiplicari sermones? Votiuarumne festiuam Missarum frequentiam? Alternosne labores Presbyterorum sibi in Officio Beatissimæ Virginis MARIÆ, & Canonicarū Horarum succedentium? Desideret quispiam Sanctissimæ Triados solennia Missæ Sacrificia? Habentur Festis ac Dominicis singulis diebus. Beatissimam Virginem MARIAM saluere, quæ enixa Regem cæli & terræ, quispiam exoptet? Quotidiana ista erga Deiparam famulitia. Alius desideria illa Messiæ cunctis gentibus desiderati, cupidis auribus excipere gestiât? Rorâsse cœlos, germinatum Messiam, generis humani vindicem, cum Hierarchiâ cælestis ac terrestis Ecclesiæ? Quintis quibusuis feriis gaudebit. Purpuratum in sanguine suo liberatorem nostri IESVM, Dei & Virginis Mariæ filium, recolere suadeat cuiuspiam pietas? Eius verò cruciatuū memoria, Sextis feriis perpetua. Sacratissimi Corporis CHRISTI cupido est adorandi? Eius verò frequentissima subest cum maiestate veneratio. Quid enim in eâ Christiane desideres Basilicâ? Sacratissimi Rosarij Sodaliciâ? Habes. Ad Trinā ANNÆ, IESV, MARIÆ, societatem adspiras? est verò vbi nomen tuum in eiusmodi amicitiam adscribendus profitearis. Angeli Custodis frater esse, & conseruus Apocalypticus vis? Aude, & te quoq; dignum finge Cælite, administro tuæ salutis. Quantus gratiarum etiam hîc thesaurus! Et dubitabimus propitium

tium hinc fieri Deum, tot inter patrocina? Animarum ab corporibus exultantium piacularia suffragia quis exoptet? Ne hanc quidem huic Basilicæ Sedes Apostolica denegauit, Sacrificio interueniente, liberalitatem. Urbem, ut olim Corynthū, non est cuiusuis adire: ut, quemadmodum Roma gaudet Laurentij Martyrio, ita & Zolkieuiana Laurentiana Basilica Laurentij & Stanislai gauderet patrociniis. Prospexerunt Summi Pontifices Romani iam inde ab PAVLO V. ad eum, qui hodie vniuersæ Catholicæ præsidet Ecclesiæ *VRBANVM VIII.* ut præter gratias templi Patronorum, & Sodalitatum, Septem Altaria Zolkieuiana, intra & extra Urbis Romanæ mænia, gauderent Indulgentiarum prærogatiuis. Donari hoc sanè debuit Altaribus Diui Laurentij, CHRISTI IESV in crucem salutis nostræ gratiā suffixi, Sanctæ Annæ, Rosarii Beatissimæ Virginis MARIÆ, Angeli Tutelaris, vnâ & Sanctis, in quincunce ab GREGORIO XV. Canonizatis; Mariæ Magdalænæ, nec non tandem & Stanislai Martyris ac Pontificis, Regniq; Poloniae Patroni. Quid Sacrosanctorum Diuorum Lipsana, vulgò Reliquias, & Memorias, deprædicem? Quid Hesperidum & Alciones, & Zolkieuiani Paradisi Lilieta, Roseta, & quicquid spirat Ambrosiam, argutissimè succrescere odoriferum ver soli mireris Ecclesiæ? Quid Sanctorum Corpora ab Romanis Pontificibus donata, Sanctæ *Crescentiæ*, & Sancti *Datiani*? Quid Basilicæ eiusdē Bibliothecæ? Illa ipsa, Scripturæ Sanctæ, Patrū Sanctorū, Interpretū, Paraphrastarū, siue Hebræorum, siue Græcorum, siue Chaldæorum, siue duarum supra septuaginta versionum fontes rimari cupias. Libet dies noctesq; oculos, aures, manus, & animum dare, Augustino, Ambrosio, Gregorio, Hieronymo. Velis Iuris Canonici Pandectæ, Ecclesiasticos Annales, Chronologos, (verbo) quicquid ad Ethicæ, ad Politicæ, ad Physicæ, vel Apostolicæ, vel Euangelicæ collibuerit; oculorum prius, quàm Codicum destituaris suppellectili. Quid ego de Symphoniarum dicam in Basilicâ Zolkieuianâ apparatu? Equidem ad Organum Musicum Tubalcainos, Orpheos, Ariones, Amphiones, tam priscos illos, quàm politioris fortassè huius sæculi Prænестinos, Prætorios, Phinetos, & si quid est Reginarum facellorum, Pontificalium, Imperialiumq; nō admodum existimo quidpiam desideres. Sanè ipsimet Schismatici cū suis tintinabulis; & male olidi perfidi Iudæi, cum suis Iobel, vlulatuq; Cybelæo, ad harmoniā cōcentus Basilicæ Zolkieuianæ vel obstupescūt, vel obsurdescūt: Cathechesinq; quādā vtriq; perpetuā habēt veritatis illi cognoscendæ *Ἰησοῦς Χριστὸς υἱὸς θεοῦ σωτὴρ* & quod in Cruce trilingue fuit, ex decreto Pilati, *ישוע בארץ מלך היהודים* *Ieschuach Nazari Melech Iehudiim*. Hic ego è conspectu thesauri Basilicæ, me, & eiusmodi cupidos rerum esse cuperem. Videre esset Calices, Patenas, Cruces, Reliquiarum scriniola, monstrandæ Eucharistiæ aureum Tabernaculum, Torques, Purpurā, Persicos, Turcicos, Phrygios, Hispanicos, Alexandrinos, in Casulis, Pluuiialibus, Dalmaticis, pendulis, affigiq; solitis paramentis, Attalicos labores. Vnionum copiam Moschouitici olim thesauri ostentamenta; Lapillorum pretiosissimorum

ab vltimo oriente, nomenclaturam nequidem, Plinius è suā naturalium historiā facile commodauerit. Templi porrò ipsius maiestas admiranda, fastigio non absimili, ab Romanâ Sanctorū Petri & Pauli Basilicâ. Iam verò per testudinem, infernè Pontificum, Ecclesiæ Doctorum, & id genus rei Christianæ capitum, decora, viuentia credas pietatis simulachra, Alabastrico lapide solidata. A foris, vnde fastigium tegulæ assurgit, videas Procopios, Martinos, Georgios, Gallicanos, Constantinos, & id genus Equitum Christianorum Theodoros, Mauritos, Florianos, pro fide bellantes. Quoquò se coniecerint oculi, vel maiestatem admireris, vel sanctimoniam, ubiq; etiam in fenestris, venereris. Mausolæa marmorea erectarum personarum, ad pietatis imaginem, Altari summo assistentium, mortalitatis suæ, quem non intimè cōmonefaciant? Ad nutū Diuinæ maiestatis, hinc Exercituum Ducem Cancellariumq; cum Filio; illinc Coniugem, cum Filiâ, etiam personatos constitisse. Mireris Duci, Michaeli Archiducem cælestiū exercituum; item, Diuum Stanislauum: Filio verò, Ioannem Euangelistam, patrocinatorum imminere. Matronabus porrò, Beatissimam Virginem MARIAM, cum Reginâ Diuâ Virgine, & Zophiâ Viduâ Martyre superesse in sublimi; pauimento marmoreo pariter, per templi vastitatem sese diffundente. Sed quid ego immoror? Cæmeterium ipsum, castelli visendi formam refert, rarissimo exemplo, lapide quaquā versus stratum, ut ad sacrarum Peripatesin processionum, Eucharistiæ in auro fabrefacto ingeniosissimè & sumptuosissimè deportationem, Compendium simile ad Metropoles Ecclesiarum Regni comperias. Domicilia, quæ Præpositi, quæ Presbyterorum, sua cuiq; ad amussim exacta: Eremitoria Camaldulensium, aut illorum dicas Patrum Aegyptiacorum. Xenodochiorum item par, in quibus, & numerum mysterio pietatis Christianæ respondentem, & suum vestimenti ad honestatem genus mireris; & veteris Ecclesiæ Diaconissarum ordinem, nē requiras. Mitto palæstram studiorum humaniorum. Quantæ hinc copiae auxiliares! Quot ciues exinde, ut ex equo Troiano, quot ad æconomien, quot ad castra, quot ad Clerū, Gymnasijs alijs ad hæc perlustratis, transeunt! In Palæstris, & Ecclesiis, profectò compendium video Vniuersaliū Academiarum: dū in Gymnasijs scientiæ, in Ecclesiis seruitur conscientiæ. In Scholis, linguam, symphoniam, & fidem ediscas Romanam; in Templis, eandē exerceas, & profitearis. Exinde est, ut Hæretici, Schismatici, perfidi Iudæi, plūs Scholasticorum, Academicorūq; timeant elementa, quàm reconditissimæ Philosophiæ prædicamenta, aut Theologiæ fundamenta. Quoniam igitur eruditionis ac doctrinæ Christianæ nusquam latior campus, quàm ad Ecclesiam Catholicam exercendæ; manifestum esto, etiam hic Lauretum esse, & Laureas Sapientiæ Catholicæ pullulare, ad Lauretanam hancce, Laurentij, & Stanislai, Laureatam & nunquam satis Laureandam Basilicam. Tertium mihi assumpsi comprobandum, Laureolas, seu Laureas, exindeq;

deq; Aureolas, & aureas coronas, post Martyres, eosq; qui ad iustitiam alios erudiunt Christiana Doctores, Virginitati seu integritati deberi. Ut verò simillimum sit, virere semper Laurum, virere & Virginitatis honorem: Laurum fronde caducâ non carpi; fixum & integritatis decus esse atq; æternum. Diuina res integritas; Diuina: sed quæ præmia integritati dat Deus, ita cuidam ad eam capeffendâ virtutem hæsitanti, ab cælo inclamatum. Et sanè Ambrosianè Ambrosius de istâ Ambrosiâ Lib. 1. de Virg. *Eam nec à naturâ suis esse inclusam legibus, imò supra naturam esse, è cælo in terras accersitam. Sponsum eius esse in cælo, de cælo vitam eiusmodi fluxisse.* Mirandum porro magis eiudè eadem in re Axioma; *Non ideò laudabilem esse virginitatem, quia & in Martyribus reperiatur; sed quia & ipsa Martyres faciat.* Difficilis est admodum in eâ virtute persistendi ratio. *Difficilia, quæ pulchra, ex veteri prouerbio; χαλεπὰ τὰ καλὰ. Nullâ reparabilis arte, lesa pudicitia est, deperit illa semel. Altera prolapsos non vèctat ad æthera virtus.* Plures innocentiam conseruasse: non nemo sacratioris Christianæ sapientiæ Sophorum; vix quenquam, imò nullum ad innocentiam primam redisse, obseruauit. Quibus igitur non licet cum Angelis, & Virginibus; iis, cum Magdalenis, Dauide, Publicano, Latrone, liceat in cælum viam aggredi, qui non integrâ merce & naui nauigamus. Equidem Bernardus Sermon: 5. de Assumpt. ait. *Non est omnium integritatem possidere. Perit virtus illa à me: non est iam vel aspirare ad eâ.* Et hæc quidem Bernardus in suâ personâ, magis de nobis, quàm de se. Quid igitur nos, qui ab centesimo fructu virginitatis absumus? Sexagesimum viduitatis saltim, vel tricesimum focalis vitæ, nè perdamus. Ad honestatem reparabilem festinemus: pæniteat nos antea actæ insolentia: si non in primis, vel in vltimis virtutis gradibus consistere fatagamur: & vt Seneca ait, *Virtutem vel reptabundè sequamur.* Sunt profectò in Sarmatiâ Polonia, Angelicæ huius virtutis Lilieta, Casimireæ integritatis, Stanislai Kostkæ innocentia, Boleslai Pudentis pudicitia, Hiacynthorum ebur, totq; aliorum cum Ioann. Cantii candores. Quid Kunegundes Sandecianæ niue candidiores? quid Salomeæ lacte nitidiores, vel à Sanctâ Clarâ, claritatis compotes? An non à Regni Metropoli, ab Cracouiensibus Sancti Francisci Cœnobiis, toti orbi clarescunt? Quid si ad istarum imitationum discipulas domesticas integritatis, meliùs, quàm olim Romæ, Vestales sui foculi seruatrices exhibeamus? O si liceret percensere Virginum centurias, ex disciplinâ pudicissimæ Cancellariæ REGINÆ à Fulstin Herburtidos Zolkieuia, ad eam ipsam Basilicam, pietate efformatas: ad Aulæ amplissimæ splendorem, vt pullos aquilinos ad solem comprobatas, atq; in diuersa Religiosæ Cœnobia virginitatis traductas. Inueniremus colonias pudicitia integerrimæ transcriptas, etiam hodiè felicissimo virtutis indelibato fructu gaudere. Sed quid ego dissimulo? Sanguinis Zolkieuiani Neptem integerrimam, religiosissimam, ad præscriptum exemplar Benedictinæ, imò Benedictæ Sanctæ Scholasticæ, Virginè Dorothææ

Danilo

Danilowiciam Terrarum Russiæ Palatiniden, æmulatricem Kunegundarum, Salomearum, Zembocinarum, & Virginitatis lilieto, & Religiosæ vitæ paludamento; & tanto de Olescianis, ac Zolkieuianis hæreditatibus, ad aliarum in virginitate & pietate præsidium, illato, adhucq; inferendo patrimonio. Quem mortalium per Deum immortalem non rapiat ista virtus in sui admirationem? & tanti, de suâ olim ætatulâ teneritudine, virginæ heroinæq; complexionis, tantis de possessionibus, tanto de natali splendore per abdicationem abnunciationeq; religiosæ triumphu venerationeq; Fortunatâ Te, ô Virginè Dorothæâ! *δορὴν τὴν βίαν.* à Deo donatâ in terris, tot honoribus, at maioribus donandam, in splendoribus Sanctorum Sanctarumq; Rapis in Tui aspectum cælo fruentem Auia Tuam Maternam REGINAM de Herburtis Zolkieuia Cancellarii Regniq; exercituum Ducis Supremi Consortem. Illicis in Tui amorem Matrem Tuam ZOPHIAM de Stanislao Zolkieuio Danilowiciam Terrarum Russiæ Palatinam. O Te Benedictam, & Scholasticam! O Te tantarum, Auia iuxta ac Matris, tantam virtutibus Neptem, & Filiam! Conuenère suis video iam nomina rebus. Auia Tua REGINA Regiam rem esse credidit, & præstitit, magnanimitatem, in aduersis; integritatem in prosperis; erga proximos, pietatem; in Ecclesiasticis, maiestatem; in posteris, vel exempli sui memoriâ efformandis, maturam sanctitatem. Iam verò Zophia Mater Tua, illa ipsa Prouerb. 31. Sapientissimi penicillo expressa; *Fuerat illi os sapientiæ, lingua clementiæ, manus beneficentiæ, oculus misericordiæ. Nobilis in Senatoribus Regni, Palatinus Russiæ, Vir eius.* Vix discrimè comperias: Ita Auia, & Mater, Deo & Patriæ natas se esse scièrant; Basilicam sui municipij Diuino cultu magnificentissimè exornandam susceperant; Patriam, Filiorum suorum, Virorumq; deuotione Curtianâ, Fabianâ Scæuolianâ, Lacænarum exemplo seruandam, imò extremo seruitutis Othomanicæ, capitemq; ceruicemq; non periculo, sed excidio, defixerant. Genuina illa vestra sunt, ô Auia & Mater Elogia; *Idcirco genueram Ioannem Zolkieuium Capitaneum Hrubiesowiensem; idcirco in lucem edideram Stanislau Danilowicium Palatiniden Russiæ, Capitaneum Korsunensem; vt essent, qui pro Republicâ occumbere non dubitarent.* Et verò Lacedæmoniorum militiæ articulus in constitutionibus fuerat vndecimus. *Ex acie nemo fugiat, nec ordinem desinat; sed, aut vincat, aut occumbat.* Maeste verò ô inclyta Vestalis Virgo, Tuâ istâ, & Virginæ integritatis, & Religiosæ sanctitatis virtute. Auia illius, & Matris, viue ô Neptis, & Filiâ; & dote tuâ, patrimonioq; in Religionem illato, Mater tot Religiosarum Benedictarum, & Scholasticarum. Addo. Viue & Soror Illustrissimæ Theophile in Zolkiew Sobiesciæ Palatina Belzensis, de quâ, habitura es Proneptes, Catharinam, & Annam Virgunculas, pietatis Tuæ & vitæ Religiosæ imitatrices. Tuorum verò Maiorum, Auunculi, & Fratris, visura es, in MARCO, IOANNEq;

D

Palatini-

Sobieski (utinam & *Stanislaolo* vita diuturnior fuisset) Palatinibus Belzenfibus, Pronepotibus, togæ & fagi æmulatores. Equidem ab egregiâ indole vtriusq; ita & reor, & si quid veri mens augurat opto. Agite verò, Marce & Ioannes Sobieski Palatindæ Belzenfes cùm matura adoleuerit ætas, vterq; sis memor: & vos animo repetentes exempla vestrorum, Abauus, Auus, Pater, & tot Auunculi, excitent Hæctores. Restat vt ad quartum genus Laureatorum, Laureandorumq; veniamus. Atq; hæc est natio eorum, qui Rempubli-
cam saluam esse cupiunt: qui dies noctesq; suis opum, corporis, animi, consilii, sanguinis, vitæ deniq; facultatibus satagunt, cauent, vident, ne quid Respub: Patriaq; communis omniū parens capiat detri-
menti. Atq; vt vela orationis contrahere incipiam; is mihi, (imò STEPHANO BATHOREO Regi, semper militis boni nomen audiebat) semper visus est *Stanislaus Zolkieuius* Regni Cancellarius; Supremus Exercituum Dux, Barenfis, Kamionacensis, Iauorouienfis Capitaneus. is vir, imò bellator, belli Dictator, semper (inquam) visus est Zolkieuius. Nec iniuriâ. Nam quoad longissimè potest memoria Patrum nostrorū prospicere spatium præteriti temporis, constat solū inter Triginta Candidatos, ab SIGISMUNDO III. hortatu *Ioannis Zamoscii* iudicatum, qui Generalis Campestris Dux militiæ crearetur. Atq; ita inuenio Epigraphen æream in Arcis Zolkieuiensis palatiorum propylæo, eiusmodi testimonium in Rempub. suosq; Conciues animi Zolkieuiani. *Stanislaus Zolkiewski Castellanus Leopoliensis, Exercituum Regni Poloniae Campestris Dux; nec non Hrubiesowienfis, Robatinen: Kamiona. Kallusien. Medicen. Capitaneus; dùm pluribus bellis nauat Patriæ operam, ad suos, suiq; vicinos, à subitâ hostium incursione tuendos, præsidariū hoc tum munimentum à fundamentis erexit.* Atq; hîc ego, quò me vertam, nescio: vnde feriem panegyreos incipiam, ignoro. Maiorum persequar splendorem? In oculis sunt Palatinatum, Belzenfis & Russiæ, auita municipia. Non difficilè est Zolkieuiano nomini, sanguine longo cense-
ri. Parentes, Palatinus Russiæ, eiusdem nominis *Stanislaus Zolkiewski* & Generosa *Lipska de Gorai* & alij priores ipsius Senatores fuere Regni. Veteres circumstant Zolkieuiorum atria ceræ. Patuisse ad Rempublicam aditum, an enim verò existimamus, nisi & Generis & Virtutis, & rerum Pallados, in suâ personâ ab Millesimo quingentesimo quinquagesimo natus, deinceps, & in Almâ Acedemiâ Cracouiensi, exindeq; in Parisienſi Vniuersitate, cognitione scientiarum excellisset: & quæ Liuium, Curtium, Iulium Cæsarem, præscripsisse didicerat, Bellonæ comprobasset experimentis? nequaquâ, nisi instructum optimè Sereniss. Reges Poloniæ STEPHANVS BATHOREVS Aulicum & militem; SIGISMUNDVS III. Ducem belli, Virum vterq; comprobasset. Sanè Zolkieuium nouerant Pontifices Romani, persenserant Imperatores Germani, Gallia susceperat, vel à primo flore iuuentæ. Enimuerò ipsum Stemma *Lubycz*, Ethymo-
logicos

logicos, Amorem patriæ reciproci sonat. Fuit, fuit hoc superiore sæculo in Regno Poloniæ proprium Tarnouiorum Gentis, vt, *Ioannes Tarnowski* Castellanus Cracou. Exercituū Regni Lusitaniæ, mox in patriâ Poloniæ Dux, *Amor*, cognomento appellaretur, vt olim apud Romanos quispiam, Corculum. Quid *Nicolaus à Mielec Mielecki* Palatinus Podoliæ, *Nicolai Comitæ ab Ostrorog* Palatinidæ Posnaniæ: Pocillatoris Regni Maternus Auus, an non & ille suæ Patriæ Peçusculum? Exercituum Dux, in Moschouiâ, in expugnandis præsidariis arcibus hostium, STEPHANO BATHOREO regnanti, & bellanti probatissimus. Quid *Ioannes Sarius Zamosky*, vir ad Reipublicæ salutem, & Palladis genio pollens potensq; Cancellarius, & Regni Exercituum Dux? Vellem, & verò cuperem, ab ipso vel principe Gentis nostræ Lecho, Lechos, seu Polechos, Polacos Duces commemorare: atq; ita docerem, Stanislaum Zolkieuium, Hæredem earundem virtutum fuisse, & ab illa priscâ gloriæ nominisq; dignitate nihil penitus descivisse. Hîc ego percenterem Lechos, Cracos, Præmislos, Duodecem viros Palatinos, *Wojnywodzos*. Nihil enim apud Polonos aliud est, fueratq; Palatinos esse, quàm Duces, Pompeio, Iulio Cæsari, simillimos: qui cæteris bellatoribus patriæ præirent, quatuor illis rebus, scientiâ rei militaris, virtute bel-
gerandi, authoritate, felicitate. Quales Respub Polona sui similes habuit ex Regibus, Boleslaos Chrobros, Audaces, Kryuoustos, Mieczeslauos, Lokiethos, Wladislawos, Iagielones. An enim Regiâ maiestate minùs est, cùm Palatinatus, seu Regni Prouinciæ sint triginta quatuor, & quælibet Chiliadas, imò Myriadas equestriū, pedestriumq; copiarū exhibeat vim, totidè exercitibus, totidemq; Palatinis ducibus bellicis, quot prouinciæ essent, belli Dictatorē præesse? Atq; hoc est in Poloniâ, exercituum Regni Supremum, seu Generalem esse bellorum quoquò versùs Ducem, puta in Liuoniam, Prussiam, Moschouiâ, Valachiam, Turciam, Scythiam. Fuisse viros Togâ & Sago, belliq; Duces in Poloniâ, Wrocimouios, totq; Firleios, Tencinios, Lascios, Pretfficios, Zebrzydouios, Sieniauios, Kamiencios, Zbarazios, Ostrogios, Zborouios. Sed mihi non est persequi annaliū memoriam: viciniore delibo. Vt Themistocles Miltiadis trophæis; ita Zolkieuius, societate bellorum, Zamoscianis se dicat excitatum exemplis. Quid enim vicinius, similius, gloriosius, quod de ramo aureo cecinit Heroicorū Poëtarum princeps Æneid: 6. hîc planè, verum sit, oportet: Post principem, Ducemq; Regni Exercituum Zamoscium, fuisse Zolkieuium. *Primo auulso, non deficit alter aureus, & simili frondescit virga metallo.* Sanæ vterq; Nestor, Cancellariatu; Agamemnon, belli Ducatu! Quatuor illa optimi Imperatoris encomia, non facilius in vno, quàm in altero horum mireris, venereris, æmuleris. Libet Zamosciana virtutis theatra bellica perlustrare, vt non omnino Zolkieuium, ab inde constet abfuisse. Ad Arces Moschouiticas scilicet ad Welisum, ad Welikolukie, ad Zawolocie, ad Pleskouiam summinasse cum STEPHANO BATHOREO Rege Ioannem Zamoy-

sky Parentes nostri spectauere: nec obfuisse Stanislaum Zolkieuium Historiæ scriptores prætermisere, ad Annum Milesum quingentesimum octuagesimum. Fuit illa virtutis, & dignitatis Zamoscianæ, cum ætate prærogatiua. Deinceps porro, quando, & ubi non, aut cum Zamoscio Zolkieuius; aut sine Zolkieuio Zamoscus; aut, non in vno Zolkieuio, & Zamoscus, ad Philosophorum miraculum, pluribus in locis replicatus pari animo & euentu? Quis te Zolkieui tacitum, aut te Magne relinquat Zamosci? Zolkieui, cum Zamoscio? paribus in armis, concordēs animæ, duo fulmina belli. Vterq; tu, Maximus ille es. Ambo, qui nobis cunctando, & bellando, restitunt rem. Maximarum equidem rerum, vtcunq; ferent monimenta minores. Occurret menti Maximilianus Archidux Austriæ totâ armatus stipatusq; Germaniâ, ad occupandam cum Regni Metropoli Vrbe, scilicet Cracouiensi, Poloniam. Maximilianum, alterâ Zamoscii; alterâ dexterâ Zolkieuii, cum cæde Germanorum plurium millium, demissis auriculis, vt iniquæ mentis asellum, reiectum, pulsum, fugatumq; longissimè ad fines Regni 1587. Nouembris 24. gaudemus. Eundem Maximilianum Imperatoris Romanorum fratrem, intra mænia Byczynensis præsidii, & vrbis, ex fugâ superiore latitantem, aut gloriabundè copias Germanici Imperii cataphractorum maiores expectantem, expugnatum, captum, lætamur? Expugnauit cum Zamoscio, vel inprimis Theseus Pirythoi bellorum Zolkieuius. Anno 1588. Ianuarij 4. Grauis procella dimicationum imminēbat Polonos inter, & Tauricanam Scytharum illuic, *Kazigereio* Tartaro permiscere Podoliam, & Pokuciam temerè pertentante: sed Zamoscio & Zolkieuio aduolantibus, ad Lastuwczaños campos, cis Samborû, & Drohobicium, facile myriades Tartarorum, per Hungariæ montana, in suas se cauernas recipere coacti sunt ad Annum 1594. Non ita multò post, contra eundem *Kazigerei Chanum* Tartaricum, in campo Martio *Cecora* Valachicæ, pro *Hieremiâ* Principe Valachicæ Christiano, fidem & vicinitatem Polonorum implorante, contra Tartariam, & Turciam, Ioannem Zamoscium, & Stanislaum Zolkieuium, vigilantissimos Argos esse oportuit, 1595. Schismatis Græcanici deinde, in Kozacis Russiæ Kiouiensium genius, furia illa, multorum caput hydra, rebellis Deo, Ecclesiæ, Regibusq; Poloniæ sub iugum missa, iam inde ab Audace Boleslao Catilinariam colluic, cum suo Ductore Baccho *Naliwaikone*, in perniciem Nobilitatis Poloniæ armauerat. Cæterum Zolkieuius ita illos fudit, vt ipse doli & belli fabricator pænas Warsaviæ in Regni Comitibus dederit, & feruile illud bellum, complures per annos, ad vsq; extremum vitæ spiritû Zolkieuii, nihil in Rempublîcâ moliri præsumperit, ab Anno, 1596. Quantû porro excidiû Christianitati vicinæ illaturus fuerat *Michael* vterioris Daciæ, vulgò Moldauiæ Palatinus, nisi Ducibus Regni huius, Zamoscio & Zolkieuio, in campis Telesinensibus, de spe poriundæ Poloniæ, & totius perturbandæ Christianitatis, deiectus fuisset

fuisset, Anno 1599. In alterâ Regni parte *Wolmaria* vrbs, ab Sudermano Sueco Principe, in Liuoniâ, expugnatione fuerat recipienda: recepit, expugnauitq; Zamoscus & Zolkieuius. *Felinum* vix expugnabile præsidium cessit bellicæ Zamoscii & Zolkieuii virtuti. Eadem admirabili felicitate *Weissenstein*, seu *Bialykamien* arx pariter expugnata ab Zamoscio, & Zolkieuio; biennioq; in Liuoniâ præliatum est. Deum immortalem! quando quieuit Zolkieuius? Equidem non multò post Liuoniam, *Kantimirum Murdzam* Tartarum Ducem, de campo Martio cum ingenti Scytharum exercitu ad *Vdycz* fluuium in Podoliâ felicissimè profligauit Anno 1604. Sed hæc minora cuipiâ videantur; illa fixa ad memoriam posteritatis sempiternam miremur. Moschouiæ adiungendæ Regno oportunitas sese offerebat; illuc euollâset Zolkieuius, nisi post fata Ioannis Zamosky Rempublîcam suis humeris Athlanteis incubuisse persensisset: & nisi domesticum illud Patriæ malum, discordes Patriæ Ciuium animi, eidem remoram obiecissent. Tumultus enimuero, tumultus illi Rokossanorû, Gyganteo Enthusiasmo, nec ad Reipublicæ, aut religionis, aut Regiæ Maiestatis pacem, tranquillitatemq; excitati, sedandi, in officioq; retinendi fuerant. Fuit illa Patriæ procella. Vtinam, vt Amnistia temporû illorum ad posteritatis memoriam sanximus; ita in Sarmatiâ Christianâ, tale quidpiam Æolicum fuisse nesciuissimus. Multum animi, virium, industriæ, vigilantia, oportuit esse tunc in Zolkieuio exercituum Regni Duce; ne quid Respublica, Patria, Religio, Regiaq; Maiestas caperet detrimenti. Quid igitur Zolkieuius? quod & Rex Clementissimus. Polonos Polonis oppugnaturus sum, aiebat. Cæterum maleuolentiæ, & Hæreseos hydra, & ô multiceps Protheû, verte omnes te te in facies, & contrahe, quidquid siue animis, siue arte vales: opta ardua pennis astra sequi, clausûq; cauâ te condere terrâ: Zolkieuius vestris vos exuet armis. Duo lumina, iusti pro **SIGISMUNDO III.** Rege belli, Zolkieuius Regni exercituû potens, Chodkieuicius Lithuano comitatu, Rempub. Regemq; Russia item fidelior, Zolkieuii exemplo, saluum incolumemq; seruauerunt, Anno 1606. Vos Campi *Guzouiani* testes posteritati estote, Zolkieuium Religioni Christianæ, Regibus, Reipub. sanctissimè, integerrimeq; Narsetem, Gallicanum, Bellisariû, fuisse; ad Annum 1608, illius procellæ depulsæ. Rebus ita proindè in Regno pacificatis, in Moschouiam Regno adiungendam festinabat. Præiuerat equidem *Georgius de Konczyce Mnisek* Palatinus Sendomir. & *Ioannem Demetriû Basilidem* in Moschouiæ Principatû, comitantibus non paucis Polonis, sociatâ eidem in Matrimonio suâmet Filiâ Virgine *Marinâ*, deduxerat. At quæ perfidia Moschorû excepit cædes nostrates insidiosâ! societate Moschouitici imperii excideramus; Moschouiæ Reginam, & Gentis nostræ Conciues illustres, amiseramus. Quid tum **SIGISMUNDVS III** Rex noster ageret? In Zolkieuium totum belli discrimen Moschouitici & moles incubuit. Et verò, quid ni incumberet, in eum, quem & Respub. & Rex Sigismundus

mundus, & Magnus Ioannes Zamoylky, Ducem Dux; Virumq; Vir legisset iam pridem; & elegisset Zolkieuium. Zamoscius profecto Zolkieuium probasse vel inprimis videtur, cum ex tabulis testamenti moriturus, *Thomam* vnicum Filium Gentis suae Phœnicem commendaret Zolkieuii tutelae, propè in illa verba laudatissimi illius ab Marone Principis; *Mihi iam matura senectus inuidet imperiū Martis, Tu, cuius & annis, & generi fatum indulget, quem numina poscunt, ingrediere & Zolkieui fortissime Ductor. Hunc tibi praeterea, spes & solatio nostri, adiungo Thomam, sub te tolerare Magistro militum, & graue Martis opus, Tua cernere facta, assuescat, primis & Temiretur ab annis.* Hic vir, hic, est Zolkieuius, Zamoscii per mortalitatem è Regno Poloniae abscedentis testimonio. Illud hic praeterea dissimulare non possum, ab Ioanne Zamoscio Zolkieuium subordinatum fuisse, qui Reipublicae verbis, & desiderio, SIGISMUNDO III. Regi Poloniae proponeret, Filium *VLADISLAVM* iuuentutis tum in poloniae Heroibus principem, nunc Regem Inuictissimum, feueriori Palladis & Martis disciplinae, Regno in Sarmatico, non esse subtrahendum. Sarmatarum quippe illam esse ex antiquo palæstram, apud Maronem; *Nostrum à stirpe genus, literis duramus, & armis: venatu inuigilant iuuenes sylvasq; fatigant: flectere ludus equos; longis proluditur hastis. Tot patiens operum, belloq; assuetus iuuentus quatit oppida bello. Omne æuum ferro teritur; hostesq; fatigat hasta: ne tarda senectus debilitet vires animi, mutetq; vigorem. Caniciem ipsi etiam galea premimus. Turcis picta croco, & lasciuia murice vestis, desidia, cordi: iuuat illos indulgere choreis; ubi non Martium dat buccina signum. Sinant arma viris, & cedere ferro: namq; animae Phrygiae.* Atq; ita Zolkieuius Catonem tum Reipubl. & Regni Senatorem, ad Serenissimum Regem, pro Serenissimo Filio, Reiq; publicae incolumitate egerat: suamq; in clientelam *Ioannem Zolkieuium* vnicum, exteras nationes, Pallados & Bellonae experiundae ergo peragrantem, offerebat: futurum bellorum omnium, ut primum per ætatem liceret, comitem, pro Regumq; & Reipublicae Maiestate pugnatotem. Ita sui simillimos, Martisq; studiosissimos optabat semper fieri Zolkieuius, ut qui eiusmodi fuerit, qualem Maro praecipit; *Qualis, centum cui brachia dicunt, centenasq; manus, quinquaginta oribus ignem, pectoribusq; arsisse, cum superioribus & praeliis, & bellis, hostium Reipublicae contra fulmina, tot paribus streperet chypeis, tot stringeret enses.* Verumenimvero, ut reuertar, vnde digressa est oratio. Diuinè admodum in totius Moschouiae campo Martio, victor venisse, vidisse, vicisse visus est, prius quam creditus, Zolkieuius. Equidem fulmen belli, ab Smolenscianis campis, ad usq; Moschouiae Metropolim, ventis & fulminis ocyor alis; & tantundem ultra Moschorum columnas, & Gades, occupauit, quā cæsis, quā dissipatis, hinc, inde Moschorum exercitibus. Ter centena millia Moschorum, ad Metropolim scilicet, alia

cum

10
cum *Wolygo Dumno Boiario, ad Czarowozamisze;* insuper ad *Klusynū* Anno 1609 obsederant viam Zolkieui. Quis non obstupescat dexteram Dei omnipotentis cum Zolkieui, Moschos contra, & Suecos pugnantem, affuisse? Viginti quinque millia Suecorum ad Klusynum Anno 1610 *Pontus* Archistrategus suorum, vallis, & quercetis muniērat: plures triplō Moschorum Myriadas sibi adiunxerat. Quid hic factum existimamus? Zolkieuius vix duobus, aut quatuor Polonorum Equitum millibus in aciem productis, molem illam exercitus ad rei & victoriae perennem memoriam, dissipauit; & ad interuentionem deleuit robur, ut pote octuaginta millium aggregatorum ibi Moschorum simul & Suecorum. Quid illud? Metropolim Moschouitici Imperii urbem *Moskwam* à fluuio regionis dictam, detriumphauit Zolkieuius. Quid illud? Moschouiae Principatus vel ambitione, vel occisi Principis propinquitate, cupidiores *Suiscios, Patriarchas, Gallicinos,* & id genus Principes viros Moschos in feruitutem captos, *Warszauiam* transmisit, ad Regis Poloni Maiestatem venerandam. Ceteros Moschouiae proceres, populumq; adegit victor Zolkieuius, compulitq; ut, qui hodie Polonis regnat, *VLADISLAVM, SIGISMUNDI III* primigenam, Principem Moschouiae verum, perpetuumq; haberent, colerentq; subditosq; se eiusdem Imperio æternum profiterentur, iurisiurandi eisdem religione interiecta. Quae tūc vniuersae Poloniae exultatio fuit? qui non triumpho Zolkieui decernebantur, pro Septemtrione detriumphato? Seruauit Rempublicam togatus ille Romanus Orator exclamare audebat; & fortunatam natam se Consule Romam: arma, togae; linguae, laurea cederet. Nihil ita insolens in Zolkieui apparebat. Scipionum de Africa & de Asia triumphantium secutus modestiam; cum illum vniuersa Polonia Patrem Patriae, Triumphatorem Moschouiae salutaret, nusquam Reipublicae deesse voluit. Interea *Sigismundi Tertii* felicitatem, & constantiam, in oppugnatione & expugnatione Arcis Smolenscianae stupebat Europa; cum in Septemtrione Moschorum, vel Babylonem, vel Carthaginem, & Borysthene fluuio, & muris ad miraculum, interclusam admirabili virtute disijceret. Liceat hic mihi, bonam cum veniam, *Stadniciorum, Sapieharum, Potociorum,* & aliorum id genus, inferre quidpiam veri paradoxii. Attriuerat nimium Zolkieuius vniuersae vires Moschouiae, ad Metropolim gentis; proinde & Smolenskum finitimam Lithuaniae campis arcem languere oportebat: tandemq; *SIGISMUNDI III* concedere virtuti, ad Annum millesimum sexcentisimū vndecimum. Requiretur fortasse & hic Zolkieui praesentia? Ego verò abfuisse persuadere mihi non possum videri eum, qui Moschos suam aliunde praesentiam vrgeret; & exinde Turcas, & Scythas Patriae hostes, sui nominis famam in officio absens etiam contineret. Posteaquam verò suas ad Polonorum nominis immortalitatem Zolkieuius partes in Moschouia satis superq; egisset; deinceps temporis, ut Argum insomnem pro Repub.

E 2

& cento

& centoculū ageret, ad fines Regni Patria desiderauit: quippè Militū Confæderatorū mole Respublica propè corruisset. Ita Anno Millesimo sexcentesimo duodecimo, Ecclesiasticis, Regi, & Capitaneis Regiis, bona ademerant, oppidanos, agrestes; insolitis exactionibus presserant: virum esse Zolkieuium oportuit. Quid ageret? Hinc miles iustissima Moschouiticorum stipendia præliorum requirebat: hinc pax publica, Regia Maiestas, Ecclesiæ, Patriæ pietas, præstolationem ingerebat. In viscera patriæ, Rei; publicæ sœuitū extremo sanguinis illuuiō fuisset ab audacioribus: nisi quā cunctando, quā soluendo, quā amnistia indulgendo, efferatis, & ad funus Reipub. paratioribus, restituta, suoq; splendori & tranquillitati Respublica reddita fuisset: adnitente in optimam quamq; Reipublicæ salutis partem Zolkieuiō, quamdiu in audacissimos non esset potestas tuta, Rei; publicæ salutaris. Cæterum tūc etiam abrogato flammis illo militari Confæderatorum sacramento, quando perduelles esse non pauci desinere nollēt, enituit militaris diciplinæ rigor. In palum agi peruicacissimos, quadripartitāq; lanienā cruciari oportuit, ad suburbana Leopoleos; vt, etsi pœna illa ad paucos, timor tamen perfidiæ attentandæ in patriam, ad omnes eius perduellionis reos perueniret. Quieuisse Zolkieuii vigilantiam domi, foris, in sago & togā, deinceps existimamus? minimè verò. Felicissimè augustam pacem Polonia sperauerat, post expugnatam ab Serenissimo Sigismundo, & Illustrissimo Zolkieuiō Moschouiam: cū ecce, occasione *Stephani Potocii* in Valachiam, non eoquo sperauerat euentu irrumpentis, suæ affinitatis in Principatu illo firmandæ ergò, ferocire insolentiùs Valachia, & Tartaria, cis Nestrinam regionem nostris visa. Non probari sibi semper aiebat rei bellicæ scientissimus Zolkieuius Dux eiusmodi ignes iugales, quos Bellona maneret pronuba: esse magis funestas recidiua in pergama Troiæ tædas: ad tales Patriam non esse impellendam pugnas. Equidē se, vt hucusq; stetisset tela aspera contrā, iam & in Liuniā, & Valachiā, & Moschouiā, contulissetq; manus; nihilominus experto crederent: aut exemplo Troianorum, qui Troiam; aut Græcorum, qui Constantinopolim amiserant; meminissent semper, cunctarenturq; periculorum. Indoluerat casui prædictæ Familiæ, & in tutandā Podoliā olim, & in oppugnando Smolenscio expugnandoq; Viri. At non hic prouocati belli finis. Planè quod in Troiā, ex Marone scimus, hīc fuisse meminimus: totamq; molem irritati Turcici Imperii, Zolkieuiō, & cum hoc, Patriæ, Rei; publicæ nostræ incubuisse sensimus, patefactis aureæ prædationis per Pokuciam viarum compendiis. Ac nè quis existimet, labem hīc Polono nomini à me inferri. Quod Tullius de Catone; hoc ego hīc de Polono nomine profitebor; Lucere etiamnūm, hæereq; apud optimi consilii quosq; in Republicā viros, splendereq; per se semper, bellandi pro Christianitate Polonorum nomen; neq; vnquā priuatis calamitatibus obsolescere. Nusquamne legimus pugnacissimorum

rum Romanorum Capitolium, vix anserino gannitu seruatum? Non legimus iterum, in foro Romano, à Gallis Senonibus, Senatores Romanos in sellis iugulatos? Romano igitur animo Zolkieuius, (illo, quo Scipio alterā portā ab vrbe Romā ad oppugnandam Carthaginem ruebat, cū alteram portam Annibal eiusdem Romæ obsideret) ad Tartaros ab excidio Reipublicæ deturbandos, vindicandosq; , ad extinguendum belli Turcici incendiū, in campos Martios patentissimos descendebat. Quare castra primū ad *Tartarzysze* campestria, Tartaris supra irritatis, opposuit Zolkieuius vigilantissimus, quoquò versū ad pœnas sanguinis repetendas secuturus viciniæ perduelles. Ac ne fugax hostis elaberetur Parthorum prisco more, aliam Auxiliarium manū, è milite à *Fædere* nuncupato, ex Dictaturā bellicā Zolkieuius, ad *Manaczynenses* campos collocat, primam belli aleam, vt Iulius Cæsar consueuerat, ipsemet subiturus; faciliorem persequendi hostis rationem aliis relicturus. Cæterum Tartarus non tam rapiendi, quā fugiendi, luporum genio, vix compos, non tam euasit; quā alteram Reipublicæ partem inuadendam sibi ab *Mezyrowo* designauit. *Baterbeius Galsga*, seu Dux Tartaricorum exercituum, quadraginta millibus cū præset, ab illius oppidi oppugnatione, oppugnare Poloniam decreuerat. Anno 1615. Adest eodē cum exercitus Polonici quarti thesauri præsidio Zolkieuius: & vt adesset, effecit literis, primam palæstram Bellonæ habiturus *Thomas Zamoyiski*, Cancellarii illius Ducisq; exercituum Regni *Ioannis Zamoysky Filius*, & ipse anno ab hinc altero, Cancellariatu & vitæ huius mortalis officio defunctus. Cuius Martium Tyrociniū *Simon Starouolscius*, quia in Funebris Elogio adnotauit, verbis eiusdem fidei gratiā rem hīc appono. *Stanislaus Zolkieuius Thomæ Zamoysky Tutor, Regni Poloniæ exercituum Dux, per epistolam, Thomam Zamoysky, admonuit, vt tandem aliquando puluere scholastico absterfo, prætextam emancipatus indueret; compareretq; e Palladis triuio, in palæstrā Bellonæ, magni Herois Patri sui exempla expressurus.* Nam ita, & Philippi nomen, Alexandrum; ita Maioris Africani gloria, Minorem Scipionem; ita Iulii Cæsaris fama, Octavianum excitauit. Quid igitur? scriptum à Zolkieuiō Tutore, & exercituum Duce; factum à Thomā Zamoscio tūc cliente, & in campo Martio primipilo, vel antesignano. Ab *Mezyrowo* proindē Szarogrodum versūs, non dubitauit Tyro adhuc in militari diciplinā cum famosissimo illo barbarorum Duce, acie apertā, ad *Stanislawoniam* (oppidum illud temporis Stanislai Zolkieuii) concurrere, Numinisq; fauore, & Zolkieuii vicino præsidio, fauciatum Baterbeium Galsgam fulmine bombardæ per medullam dextræ manus ictum, abire iubere. Existimamus, honori id & solatio Zolkieuiō non fuisse? quando ita, & Dux Thomam Zamoyscium *ternis ternis Gentilitiis sui Stemmatibus Hastis fulminantē* audiuerat, viderat, animauerat, formauerat. Sanè gaudeo ab eodem illo Scriptore,

F
aliarum

aliarum etiam factam contra Machometanos expeditionum mentionem. Quomodo enim Thomas Zamoysky Pallados & Bellonæ aquilinus pullus, sine Tutore & Duce exercituum Zoskieuio compareret? Non erat ita sui præfidens, qui Marcellum agere vellet; cum Fabium Maximum Cunctatorem, satis ad salutem Reipublicæ, & Ioannem Zamoysky Parentem suum recordaretur; & Stanislaum Zoskieuio Tutorē, militiæq; Regni Dictatorem, honore, quo par erat, prosequeretur. Iam verò etiam aliàs, an non idem Thomas Zamoysky, cum tot alijs Heroum filijs expeditiones Zoskieuianas contra Tartaros secutus? Deum bonum! quàm frequens, quàm castrorum, quàm pro Republicâ excubationum, quàm dimicationum nomenclatura Martia illa percensenda mihi; vigilante ubiq; pro Republicâ Zoskieuio? Vix, imò ne vix, consopitis illis Reipublicæ perturbationibus, vrgebat Rempublicam nostram *Valachica, Scythica, Turcica illuies*, ab *Michaele Wisniouecio & Samuele Korecio*, præter Regis voluntatem, offensiue in campum Martium euocata, pro Palatinatu Valachico *Hieremie Mobilæ filius*, quorum affines facti essent, restituendo. Atq; ego hic, non succenseo excelso quos commemorauit Heroum animo, imò Martii pectusculi memoriam veneror, *Bucaciorum, Iazlowiecciorum, Strussorum, Iuniorum Ostrogiorum*, extremi temporis *Zbaraziorum, Lasciorum*, numero, ære, animo celeriorum. Porro *Tenczynios, Tarnouios, Sieniauios, Mieleccios, Zamoscios, Chodkieuicios*, Reipublicæ vt Zopyros desidero. En vobis Epaminondā, en Themistocle ubiq; Zoskieuiū, nunquā illi amore Patriæ licuit esse otioso. Ad *Mogilnicam* castris fixis ita aderat tum, vt Machometanæ furia, cum nihil sibi spei Zoskieuio excubante censerent superesse; *Chocinense* receptaculum emendicare à Republicâ maluerint, quàm vel tantillum audere oppugnare: imò perpetuā se, sanctiūsq; pacem ita demum seruatuos professi. Multa mihi breuitatis causā prætereunda sunt consultò: illud præterire nec possum, nec debeo, expeditionis Zoskieuianæ trophæum. Viderat Turcicus Imperator, & Tartaros crebrius ab Regno Poloniae depulso profligatosq; , & strenuè cordatosesse Polonos, etiam singulatim, vt Scæuolas contra Porcennam certatuos; atq; vt est Turcicorum Tyrannica Cæsarum cupiditas occupandæ quaquauersum Christianitatis, ita Annum Millesimum sexcentissimum decimum sextum delegerat, ad Poloniam suis immanissimis exercitibus pessundandā. *Skindero Bassæ* negotium datum, maturaret facinus; militatem Imperatoris personam gereret: nec tam militē conscriberet, quàm Europæ & Asiæ finitimas vires tributim viritimq; educeret. Quicquid igitur masculorum in Thraciā, Romaniā, Volgariā, Seruiā, vniuersi capitim censi, trans Danubiū admoti. Hinc Valachia Hospodar seu Regulus in armis adesse compulsus: indè Moldauia Proconsul suos sub signa Turcico mandato exciuit: aliundè Princeps Transyluania *Bethlæ Gaborius* ab Hungariae Alpibus irruebat. Deniq; ab Ponto Euxino vni-

uersitatis

uersitatis Tartaricæ colluies, *Kantimiro* Exarcho, quisq; pro se, viam pontemq; suo Turcico in Poloniam Tyranno facturi, vno impetu ita dispositi videbantur. Vigilare hinc oportuit Zoskieuium Poloni exercitus Ducem, non in alio signo, quàm Constatinus Magnus triumphaturum: vel sui capitis obiectu, iter Machometanis in Poloniam interclusurum. Comparuit verò ad littus Nestri, seu Tyræ, Zoskieuius; nè pedem hosti inferre suæ in Reipublicæ glebam permissurus. Comites expeditionis adsciuit *Georgium Zbarazsky*, tum Incisorem Regni, post etiam Castellatum Cracouiensem: nec non *Hieronymum Sieniaowsky* Pocillatorem Regni, ceterosq; Poloniæ, & Russia Nobilitatis Viros, communis salutis studiosiores. Castra nostrorum in campestribus ad *Bussam* collocata. Quid interea Turcicus Prorex *Skinder Bassa*? In Zoskieuio Manlios, Capitolinos, Camillos, Fabios, Africanos, videre sibi visus; moxq; demissis auriculis, Mahometanæ furia elephas, non asellus, rectè secum actum iri censuit, si saluo sibi per Danubium redire liceret. Pacis condiciones vltro citroq; Turca cum deferret; ab Zoskieuio, Illustris togā & sago vir *Petrus Ozga* Capitaneus Trebowlensis, postea Regni Referendarius, caduceator datus, ex re & dignitate Reipublicæ, belli illius tempestatem auertit: ita, vt Skinder Bassa suo Tyranno referret, esse in Poloniā, & viros, & vires, contra Turciam: sed Christianos seruandarum induciarum religione sanctiūs, quàm Machometanos teneri. Equidem si ex mente Zoskieuiani animi miles Reipublicæ Poloniæ viuere suffecisset, quā æstiuā, quā hybernā, quā vernā, quā autumnalia statiuā, in campis, sub dio, sole, imbre, Ioue gelido viuere debuisset. Hospitari, peregrinari, bellare, dimicare, pro diuersorio assueuerat Zoskieuius; vt non mirum sit, militarem eum vitam & mortem suscepisse: eamq; alijs verbo, re, exemplo, Dictaturā Ducis, suadere voluisse; etiam ipsi Filio suo vnigenæ *Ioanni Zoskieuio*: quem Pater, vt primum licuit à Pallados exercitamentis humanioribus, & scientiarum propè vniuersitate, ad Martis palæstram, Phænicem Reipublicæ, vnicum deuouit: & ne ociosè esset alumnus Patriæ, Capitaneatu Hrubieszouienſi donatum, *prælia, mox natum, secum per singula duxit, incenditq; animum famæ crescentis amore*. Pari ratione, & ex Fratre Nepotes hæredes in Brody, *Adamum Zoskieuium* iam castrorum metandorum Præfectum; *Lucam Zoskieowsky* Kalusienſem Capitaneum, à prætextâ Pallados, ad paludamentum Martiale; à togā, ad sagum eductabat; Aquilæ Polonicæ non degeneres, gesturos pro vero tela trifurca Deo, aduersus Regni & Ecclesiæ hostes. Quisq; Zoskieuiano Sanguine prognatorum illud affectabat, expetebat; *Mene igitur socium summis adiungere rebus dissimiles, ô Genitor! ô Patriue!* At, vel in primis ad Ioannem Zoskieuium, verbis illis vsus Pater videtur. *Te verò ô Ioannes Fili, iam pridem pectore toto occipio, & comitem casus complector in omnes. Nulla meis, vel hâc ad septuagesimum annum declinante ætate, sine te, quaeretur gloria re-*

bus, seu pacem pro Republicâ, seu bella geram, tibi maxima rerum experimenta, & exercitamenta dabo. Ad quæ Parentis, Exercituû Ducis verba; *Ioanni Zolkieuii* Filii paria fuisse concipio; *O Pater, & me nulla dies, tam fortibus ausis dissimilem arguerit: fortuna secunda, aut aduersa cadat, audentior ibo in casus omnes.* Atq; ita ante annos, animumq; gerens, pectusq; virile, eiusmodi se *Ioannes Zolkieuius* probauerat semper comes paternarum in hostes Christianitatis expeditionum. Interea Turcarum Imperatores offensi Polonorum in Valachiam incursionibus, ad occupandâ Poloniam cum Asiaticis & Europæis suis festinabant. Rerum non ignarus *Zolkieuius*, impigre aduolat cum exercitu Polono, *Kamenecium* inter & *Skalam*, in campum Martium latè *Orininum*: tum, ne defuturus prælio hostili ad fines Regni ab Valachiâ vicinâ existimaretur; tum ne Barbarorum immanitas in visceribus ferro & igni ciues Patriæ rimaretur; tum vt si concordia nostratium esset, aliorumq; vicinorum Principum Christianorum, exinde statim alterum pedem trans ripam Nistri in Turciæ oram cum exercitu inferre nulla mora relinqueretur. Eundem in locum, eademq; in castra Heroes Regni, nec pauci, nec infrequentes euocati fuistis *Zolkieuiani* animi constantiâ, rerumq; ab eo semper præclarissimè gestarû magnitudine. At vti nam, ô tempora! ô mores! animorum etiam, nedum corporum, & copiarum suarum quisq; consensione ad seruandam Patriam, hostesq; ad internecionem propulsandos affuisset. Memoriam temporis illius appello, adfuisseq; non nego *Ostrogios, Zbarazios, Lubomirscios, Potocios, Kalinouios, Thomam Zamoscium, Tarnouios*, cæterosq; principes Nobilitatis Polonicæ Viros: sed totidem copiarum Duces belli occipendi, non prosequendi, profiteor adfuisse. Dictator belli exercituum Dux *Zolkieuius* vt socius magis fieret aio, præsentis occultis dissensionibus ita voluisse. Pugnaret Dux; occumberet Dux; quosq; tumultuatim, vt *Athlantes* Rempublicam sustentaturos, spondidisse. Si campi *Orinini* proloqui potuissent, aut querceta illa, torrentesq; ob discordiam nostratium, cum Patriâ, eas in voces erupissent. Quid agitis Poloni Heroes? discordiâ res, maximas, dilabi ignoratis? Ducem Dictatoremq; belli exercituum, Patriæq; conseruatorem, vt militem gregarium occumbere, in votis est vobis maximis? Itane, vt olim apud *Agrippam Liuianum* membrorû compages capiti bellum indicitis? Vltimus ille dies bello, Russisq; fuisset, cometâ fortasse fatale quid discordiarum illarum portendente: Discordia eò Ciues Patriæ perducebat! Vos illi tumuli antiqui *Orinini* dissensionis testes: cum hinc Tartarorum *Murzæ*: inde *Deulet Gereius Galga* immanitate suorum immineret; iamq; *Thomæ Zamoscii* Heroicam D. Parentis sui virtutem æmulantis copiarum vix Tartaros, incredibili mole ingruentes sustinerent; discordes copias nostrorum, separataq; castra occupassent: si non *Zolkieuium*, alterum *Paulum Æmilium*, & *Fabium* Reipublicæ cunctabundum formidassent. *Marcel-*

leus perre-

los certè ferocientes in pugnam vel abduxissent; vel senioribus belli Ducibus parere docuissent. At enim uerò præliari desiderastis? fateor. Sed quæ, per Deû immortalē, spes vincendi fuerat? Imperatoris belli imperiû agnoscere recusantibus plurimis: dùm quisq; pro se *Epaminondas*, & *Agamemnon* esse ambit, ingeminante suis barbaris hoste, vix in Polonico exercitu, si decadi Tartarorû oppositi congressi fuissent, singulatim Polonos suffecturos fuisse. Profectò Diuino illi viro *Zolkieui*, illud ipsum pulchrum mori in armis cordi erat semper, vitamq; pro fide & Republicâ Christianitatis pacisci. Vnico phænice belli consiliorum desiderato; sed illiconè renasciturum alterum visuri eratis? In Ducem vnicum quempiam, Marte sæuiente, & ex momentis tonante, fulgurante, fulminante, diuina humanaq; permiscente, in *Galga Dewlet Gereio* consensuri fueratis? O famâ ingens, & consilio *Zolkieui*! semper honore, semper celebrabere voto Poloniæ vniuersæ. Perditam Rempublicâ, perditam vidissemus nostram, sine Cunctatore *Zolkieui*. Sed quid dico vidissemus? imò periissemus, nisi inuictâ tuâ, ô *Zolkieui*, Rempublicam, Christianitatemq; seruandi constantiâ, *Fabiorum Maximorum* salutari exemplo, abduxisses aleam belli. Seruasti igitur seruasti, ô *Zolkieui*, tunc Patriæ Diuinum illum Ciuem & magnanimû Heroë *Thomam Zamoscium*, Diuini *Joannu Zamoyiski* Cancellarii Filium, & ipsum postea Maximum Cancellarium. Seruasti & illos vel tuæ gloriæ inuidos, vel Patriæ incolumitatis aduersarios, vel iuuenili generositate præliandi cupidiores Iuuentutis Poloniæ Principes *Ostrogios*. Seruasti, vt semel dicam, quod sentio, Rempublicam vniuersam. Liceat enim uerò mihi hic de *Zolkieui* sentire illud ipsum, quod Romana Respublica de *Fabio Maximo* sensit Cunctatore. Nam Tartarorum *Dewlet Gereius Galga*, Anno 1618, cum videret *Zolkieuium*, ab suorum immani multitudine, vt pelagi rupem inexpugnabilem, etiam apertissimo in campo Martio *Orinino*; facile abscessu suo maturato significauit, non *Marcellos* in bella ferocientes; sed *Zolkieuium* cunctantem, timori sibi suisq; Tartaris fuisse. Abiit ergò summâ cum ignominiâ *Scythicus Galga*: imò excessit, erupit, euasit; relaturus suo Otthomano Imperatori, *Zolkieuium* Regni Poloniæ Seruatorem exercituum Ducem, suo conatui, imò Turcicis & Tartaricis exercitibus, potentiaq; *Machometicæ*, ad *Orininum*, iter in Poloniam occupandum præclusisse: pedemq; ita posuisse, vt ne *Archimedi* fas esset Poloniam solam loco, nedum Christiani orbis terrarum sphaeram commouere, saluo & incolumi *Zolkieui*, *Bassæ Turcici* Imperatoris Senatores aiebant, saluum & integrum esse, foreq; Regnum Poloniæ: si quid *Osmanus* Turcicus Imperator præsumeret Otthomano *Machometismi* entusiasmo, vt *Hercules* furens sciret, crederet, re ipsâ experiretur, non nisi per cadauer *Zolkieuii* cunctando Bellatoris, bellando Cunctatoris, in Poloniam, exindeq; Christianitatem iter Turcicæ tyrannidi patere. Vigilandum ubiq; fuerat *Zolkieui*,

G

in tanta

in tantâ vastitate finiu Regni conseruandorû. Exindè illi indefessa paulò post ad *Paruolocz* contra hostes occurrandi ingrucrat necessitas, vbi castris iactis itû est obuiam, festinantibus in excidium Reipubl. Tartaris. Subindè ad *Tatarzisceze*, reciprocum castris locum, euolandû fuerat; nè quid Ciues Patriæ paterentur incommodi, Valachis & Machometanis viciniore. Quid ita? quia dies noctesq; illuies Turcica & Scythica, Regno Poloniæ, vtpote Antemurali Christianitatis, insidias machinatur. Quarû non multò post Turcicarû in rem Christianâ machinationû certior *Gratianus* Valachiæ Palatinus, ab Danubii ripâ, viginti millia Valachorû spondet: seq; cum iisdem in acie appariturû; si *Zolkieuius* Polonorû nomine, suum illi auxiliû, bello contra Machometanos occipiendo, producendo, perficiendoq; dare vellet. Hic, vt breuiter exponâ; aio *Zolkieuiû* ratione belli ex Valachiâ contra Turcicû Imperatorẽ ordiendi (quod *Casimiri Magni*, *Jagellones*, *Sigismundi Primi*, toti Christianitati censebant semper reseruandum) non ignorâsse. Porro, vt interea vicinæ patrocinaretur Valachiæ, exemplo, & iure antiquo Regni; in eandemq; viciniam, per Danubium, Turcas suæ Patriæ viciniore fieri non sineret; nec non Tauricâ Chersonesum, Oczakouianos, & Perecopenfes, Crimensesq; Barbaros, in officio pacificæ vicinitatis contineret. Optanda ista quidẽ prius; quàm speranda. Quid nihilominus faceret *Zolkieuius*, contra Europæam barbariẽ Machometicâ pugnaturus? Valachiâ, & Moldauiâ, Danubiûq; accolis, Poloniæ auxiliû desiderantib; spondentibusq; suâ pro parte militẽ affuturû, quotquot Christiano nomine ad Danubii seu Istri vastissima littora censerentur. Occurrebat Danubiû, contra Turcas ad dextrimẽ præliandû: castra ad ripam eius fluuit discriminantis Barbaros ab Christianis metanda: Troianis effeminatius molliusq; esse Turcarû genus. Viderat adhuc *Zolkieuius*, se fidei, Reipublicæ, & Christianitati opem imploranti, nec non suæ Patriæ, suorûq; salutis; & gloriæ obligatû obstrictumq;. Nouerat aliquandò Principes in Republicâ, opibus & suorû comitatu potentiores viros, quos sibi virtus & gloria æmulos comparauerat, cunctatione sibi iustò maiorem in belligerando obieciisse. Tenebat propè ad constandâ suo nomini inuidiam, Regiæ Maiestatis Aulam, & nonnihil Senatorii Ordinis Viros, rumoribus ante salutem ficti prauiq; tenaciorib; aures dare. Quamobrem concipit excelsò Christiano animo, testificandæ fidei suæ Imperatoriæ suû tempus aduenisse: se, qui Christianitatẽ saluâ cuperent, sequerentur; pro virili se, Christiano Principi Valachico, & in eo Christianitati, deesse nolle: Turciam, & Scythiâ non irritari; sed perfidos contrâ toties factos, pro fide & Patriâ, se rem Christiano Duce dignam aggredi: Imperatorem esse, qui pro Republicâ staret, pugnaret; & si ita res ferret, occumberet. Machometanos, vel sua Christianis vltro concedentibus, nunquam fidem seruaturus; in opportunitatẽ opprimendæ Christianitatis vigilaturos. Deniq; vnicum sibi septuagenario in votis, vt scuto super, campo Martio, æui & victoriarum satur, referatur Laconum Christianorum more, restare. Cuius animi *Zolkieuiani* incorruptos testes

testes Reipublicæ huius, Sagatos, Togatos, & Senatorios Viros, appellare possem; nisi re ipsâ, qualem conceperat, se exhibuisset. Hinc illi, propè illa ipsa verba; *Quicquid in arte meâ, possum promittere pugnæ, absistite viribus indubitare meis. Non vlla laborum noua mihi facies inopinauẽ surgit. Omnia percepi, atq; animo mecum ante peragi: facilius iactum sepulchri. Est hic, est animus lucis contemptor; aduersum fidens fero pectus in hostem. Mihi non optimè volentibus, sit copia fandi. Bella manus poscunt: possit quid Lechica in Zolkieuius virtus, fiat Patriæ & Christianitati palam.* Itum impigrè est in Valachiam, trans Tyræ, Sereti, Pruti, Dzizæ, fluuiorum Valachicorum vortices: superata syluæ faginetæ Bukowianæ. Exigui numero, vix quater mille vniuersi; sed bello viuida virtus. *Zolkieuius* enim Duce, meminerant expeditionum comites, satis superq; suos victores semper aut rediisse, aut nihil de sui & Poloni nominis immortalitate hosti concessisse. *Triginta leucas* longe lateq; in Valachiæ viscera, Turcici imperii regionem, duxit exercitum Polonum *Zolkieuius*, hiscente nemine: Turcis tamen, contra occultius, ab Danubio; Tartaris, ab Ponto Euxino, multitudine incredibili sese glomerantibus. Nostratibus castris gemino milliari ab *Iassio*, Meropoli Valachiæ, in campo Martio, ad *Cecora* vastitatem, locus celsit. Exindè ita Turciam permistam illic, & Tartariam contrâ pugnatum est, Anno 1620: ad stragem Tartaricorum cadauerum quadragies mille, & Turcicorum vix minùs, sanè ad miraculum. Incredibilis Barbarorum multitudo, dici vix potest, animis & corporibus quàm deficiebat: nostrorum nihilominus exercitui modico, illuie vix auditâ vnquàm propè incumbebant; armentorum etiam greges boatibus tormentorum bellicorum Nostratium opponebant; nè simul vniuersi, quâ globis, quâ hastis, quâ acinacibus interirent, nunciiq; suæ cladis saltem remanerent. Ita tùm fulminabat cum exiguâ suorum manu *Zolkieuius*: ac vltro Danubium disiecisset illud Cyclopus Turcicorû & Tartaricorû genus, nisi degeneres quorundam centuriæ integræ, cum Chiliarchis, tali loco, & tempore, si non ante tubam, certè vix post tubam turpiter abiissent, erupissent, excessissent: belliq; aleam difficillimam turbatissimamq; reliquissent *Zolkieuius*. Nox illud prælium victoriosissimum diremerat: ergò tenebris ad abscessum vsos non paucos, quis credat? Ita olim ab Haliciensiu oppugnatione, timidior quispiâ pelliculâ leporinâ, & fuso & colo, muliebris fugæ ergò donatus, prærogatiuaq; Sellæ Senatoriæ exauthoratus, *Boleslai Chrobri* Regis Poloniæ quadragies septies victoris, victoriarum finem obscurare, & colophonem labefactare voluit. *Deditur hic subito rumor* deficientium per castra primipilorum. *Quid Valachi facerent meliores fideioresq;?* cùm ita fædè nostri, Lechiadasnè dicam? dilaberentur. Equidem viginti millia Valachorum, ad famam vulgandam, non bellum prosequendum, promissa; nec vt Valachica mobilitas animorum est, sub signa, nisi sparsim euocata, ita *Gratianum* suæ Valachiæ Principem, ante

periculum deseruerunt, & excutiendo Turcicæ iugo seruitutis defecerunt. Maior residuis periculo, *it timor & maior Martis iam apparet imago. Collucent ignes, noctem custodia ducit insomnem: funditus occidimus*, timidiorum testera, audiebatur. Excitados hic cupio vniuersos Christianos, ad Zolkieuii vigilantiam, & Diuinum in eiusmodi suorum procellâ inuictumq; animum. Hic enim Zolkieuius, & in suis retinendis, & in hostibus propulsandis, & tempestate nocturnarum tenebrarum dissoluendâ totus, meminisse iubet vniuersos, se suosq; Lechidas, pro Deo, Patriâ, Christianitatis bono, hûc Martio animo conuenisse; eodem auctore salutem sperandam: excordes lepusculos excelsisse, ceruosq; fugaces abiisse: Leonidas, & Leones, si Deus annuerit, superesse. Eandem vicem bellis in Romanis, Græcis, Babylonis, Persicisq; fuisse. Deum Optimum Maximum manus, animosq; ministraturum: Quod vobis, æmuli mei optârunt, adest. In manibus Mars ipse: nunc Dei, Patriæ, Christianitatis quisq; memor, magna referto facta. Ita tum nunc prece, nunc dictis, nunc animis, virtutem Zolkieuius Dux in suis accendit. *Per vos, & fortia facta, per Regis Sigmundi nomen, deuictaq; bella, spemq; Dei, patriæ laudis, fide ne pedibus: ferro rumpenda est per hostes via, quâ globus ille Skinderi Bisse Turcici, & Galsæ Tartarorum densissimus vrget, hæc vos, meq; Ducem vestri, Patria ipsa reposcit. Numina nulla premant: mortali, imò barbaro, Machometano, vrgemur at hoste. Totidem nobis animaq; per omnes, manusq; non unum claudit nos lictore flumen. Sunt illis sui funem, scilicet hostibus nostris, parq; per omnes tempestas belli. Vsq; adeo mori miserum est. O mihi Christianorum Duci qui superestis esteboni! Sancta quò Deus vocat anima, atq; illorum transfugarum inscia culpæ, descendam, priscorum Lechorum haud vnquam indignus Auorum. Profugos incuso, & Patria, Deusq; mecum. Vestra ô residui comites fortissima generosissimaq; pectora, potuit quæ plurima virtus esse, fuit. Toto certatum est pectore. Spem, si quam in Valachie, & Nostratibus refugis habuistis; in armis ponite: spes sibi quisq;. Sed hæc, sine Deo Optimo Maximo, quàm inanis, pridem didicimus. Bellator Deus adsit, animis, & dexteris; ibo animis contrâ, & vestram quisq; præstet Achilem. Quid multis? Cordatissimi comites vtriusq; fortunæ, in primis, vnicus ille Zolkieuii Ioannes Filium Hrubiesowiensis Capitanem; itidem ex Fratre Nepos, Lucas Zolkiewsky Kalusiensis Capitanem; mox Balaban, Capitanem Trembowlensis. Hinc Stanislaus Kazanowski Capitanem Bobuslawiensis, Castellanus tunc Haliciensis postea Palatinus Podoliæ, tandemq; exercitus Regni Dux Câpeltris; deniq; Strum Capitanem Chmielnicensis; ceteriq; pauci, nequaquâ se ab Duce exercituum Generali vllò in casu testati defecturos: sed cum vtroq; Duce, Zolkieuius scilicet, & Koniecpolio bellicæ Dictaturæ Collegâ, Deo, & Patriæ integerrimè fidelissimos f*

turos, proq; vniuersâ Christianitate, vel mortē pulchrâ in armis; vel honestam seruitutē, etiâ Regib⁹, & Imperatorib⁹ Sanctissimis, Potentissimisq; fatalē, passuros: agere, & pati fortia, non modò Romano rû; sed etiam fore Polonorû. Quid verò cum residuis huiusmodi Zolkieuius? Videbat, Turcico & Scythico non esse fas fidere monstro. Dies noctesq; inter hostes, aliis atq; aliis succedentib⁹ imminutū suorū numerū cum haberet, iam duas per hebdomades; geminatâ vtrinq; iunctim, seriem in longiorem, productâ curruū farragine, præcedere validiores, medio succedere tutiores; latus dextrum illos, sinistram hos seruare; ad extremum designare, qui tuerentur suorum superstitum extremos; suas cuiq; paucitati residuæ excubias iniungere. In curas conseruandorum omnium diducitur omnes; ita nihilominus, vt ad sui defensionem admirabilem incumberent vniuersi, quoquouersum dispositi, & hostium agmina mole suâ in paucitatem nostrorum irruentia longè lateq; disijcerent. In assiduitate dimicandi, caput quietis causâ nusquam, impendente Turciâ & Scythiâ deponere; oculosq; labori & dimicationi aut manus necquicquam suffurari licebat. Sua quisq; in exemplum miraculi, indefessus munera militaria pugnando obibat; adeò diurna nocturnaq; iam inde ab ingressu in Valachiam, nullam dabat illa pugna continua Nostratibus quietem. Cæterum, quod posteritas miretur, ita inter illam Turcicorum Tartaricorumq; exercituum inundationem totâ vi contrâ nostros paucos ingruentem diebus noctibusq; tempestatem, inter illorum Machometicorum luporum vrsorumq; immanitatem, per integerrimas duas hebdomadas, quatuordecim dies scilicet, continuato ortu & occasu, totidemq; noctes, inter centena millia hostium, fame, siti, somno, perpetuis per momenta repulsionibus, tantorum hostium defatigati, Deo Optimo Maximo propitio, Deiparâ autem Virgine, Diuisq; patrocinantibus, salui atq; incolumes, licet non omnino integri, spem omnem penitus, & omnem, disturbandorum suorum, Duce, Traduce, Reduceq; Zolkieuius, Turcis inuolantibus, frustra ingruentibus & Tartaris, excusserant. Deniq; ab *Cecorâ* validissimè Poloni nostrates pauci continuatim oppugnati ad ripam Tyræ, seu Nestri, per hostium regiones, quasi postliminiò armatâ vigilantia, constantiaq; Zolkieuii inuictâ regressi Nostrates belligerando; nec tamen expugnati facilè, aut vnquam deinceps expugnandi, visi sunt Turcis & Tartaris numerosissimis, & ad obstinationem tum pugnacissimis. Rem in pauca contraho. Receptui suorum, trans Danubium, & Pontum Euxinum, scilicet, Turcia, & Scythia suo barbarico barritu sonabat raucum quiddam. Zolkieuius pariter Deo Optimo Maximo, Cælitibusq; suam, Patriæ, suorumq; fidissimorum comitum, dixero verius, Commilitonum, acceptam referebat salutem. Vno aluco Dnestri, ab Polono limite & littore, solummodò distare se Dux noster, suosq; videret, gauderetq; cum filio *Ioanne*, Nepote *Lucâ*, Zolkieuiis; *Koniecpolio*, Collegâ Dictaturæ

militaris, *Balibano. Kazanuo, Strusso*, proluisse, tunc se, suosq; illos paucos, Martiale quiddam censebat, Turciam inter, & Poloniam, regnante *SIGISMUNDO III* Rege felicissimo. Porro propediem accitis reliquis ab farcinis Poloniæ, eodem adhuc anno, aut ad summum consequenti, cum Turciâ & Tartariâ, vniuersæ Poloniæ, imò vniuersæ Christianitati, dimicandum esse de vitâ & Imperio: ab se septuagenario iam Clymaëtericos præuideri, maturo sanè prælagio prouidentis quoquouersum prudentiæ. Tutissima illa, (hostibus nec iam apparentibus amplius) statio ad ripam Tyræ Nostratibus, horarum aliquot visa: cum ecce, quod ille questus est apud Romanos, *teritur bellis civilibus ætas, suis & ipse viribus Lechus ruit*. suis illa inexpugnabilis Nostrorum constantia, (imò non sine sanguine victoria) ruit viribus. Auidiores littoris alterius abuectare iuuat prædas, gaudereq; raptis; pro se quisq; equos, arma, suis spolia emungere; Tyræ fluuij vortices cupere transuolare; tardum esse, transuadare. Non tam ex penuriâ, aut temporum iniuriâ, quam rabie magis sæuire famulitia in suos heros: iam sibi se stipendiorum præmia, pro arbitrato designare, diuidere, vendicare. Hic verò increscunt magis animis discordibus iræ: sæuit amor ferri, & scelerata infania cadis. Hæm quò discordia ciues perducis! *Quis furor iste nouus?* intonat Zoskieuius, *quò nunc præcipites, quò tenditis? Non hostem, inimicq; castra Turcarum, Tartarorumue; sed vestras spes vritis. En ego vester Zoskieuius: Cælum hoc, & Nostræ vortices fluuij testor. Turpe nefas, vos, & triste manebit supplicium: sacrilego excordes pendetis sanguine penas discordiæ vestræ. Hæc non Turcicis, nec Tartaricis frangimur consumimurq; procellis: sed per nostrorum vecordem discordiam, pessum Mauortis eunt res. Me, si iam mea fata vocant, metasq; circumscripti ad æui perueni; quod fuit in votis, fiet, quod sæpè petiui. Hæc mihi certa quies, vitæq; in limite Regni portus: hæc liceat deponere vitam; sed famam extendere factis.* Quid pluribus persequar? Hostis auxiliares copias Polonis ab littore superuentare ratus, dum cælum tonat omni bellico fragore tumultuantium, ventis ocyor alis, rem explorat; discordiâ vti Nostratium decernit. Zoskieuius porro fortissimus inuictissimuscq; Imperator, vbi non est retinere Magistros & Ministros militiæ, sæuientes in suæ Patriæ viscera armis discordibus: optimæ fidei erga Rempublicam obtestatus paucos trecentos, aut quingenos, pro Deo, & Patriâ, exemplo suo emori, non tam monet, quam docet: se scilicet cum optimis, & Reipublicæ fidelissimis, in Barbarorum terrâ, pro fide & Patriâ, victimam bellare, bellasse, & mori. Nec mora, belli dat buccina signum: ordinem paucitas mox effecit, & cruda viro, viridisq; senectus Ducis Zoskieuii, qui thorace chalybeo indutus, galeâ caniciem premens, accinctus ense, ad quoscunq; suos confirmandos seruandosq; armis fulminans, toto corpore, & pectore hostes supra est. Densis vndiq; telis vrgentin-

numeri

numeri Otthomanidæ Nostros: pugnatur cominùs missilibus. Audendum dextris, nunc ipsa vocat res: fit via vi patefacta per hostes. Sanè ibi Zoskieuius Dux, nequaquam vllâ vi, de Martiali statione mouetur. Vt pelagi rupes, magno veniente fragore: ita ab Zoskieuii cum paucis suorum virtute, repellitur Tartaricus *Galga*, cum suorum illuue incredibili. Ferro ancipiti vtriq; vtrinq; decernunt: atraq; longè horrescit strictis seges ensibus. Zoskieuius ipse proxima quæq; metit gladio, densum latumq; per agmen Barbarorum, latè inualecentem tempestatem propulsat ferro. Te *Galga* Tartatorum, & vos Murzas Machometanos cæde nouâ, & fortassè extremâ quærens, plurimâ grandine telorum, densisq; vulneribus aduersis obrutus Heros, *Ioannem* Filium, & *Lucam* Nepotem, Zoskieuios, tum *Konicopolium*, & Generum, & belli Socialem, Reiq; Publicæ Ducem, testatus, durarent: Reipublicæ nusquam deessent; testesq; Christianitati sui pro Deo & Patriâ occasus superuiuerent. Hostes frequentissimi circa Ducem nostratem, ceu circum sæuum turba leonem, telis furit infestis: ille diù potis est per tela, per hostes; sed cum nec sufficit, vmbro ictibus, galearum solidaq; æra fatiscunt; & nulla datur Turcicam Scythicamq; exsuperare potestas illuiem; Dux Noster Zoskieuius, Triadem & Deiparam, Cælitesq; iteratò testatus, cælum versùs, productis cum pollice duobus digitis; *Esto mihi nunc testis Deus, & Diui nunc nostra extrema secudent.* Vix ea effatus; cum ecce infundentis se suâ mole hostium exercitus telis vndiq; ingruentibus obruitur, immortalis & vitâ & memoriâ Dux dignissimus Zoskieuius. Ibidem, in confertissimâ barbarorum immanitate, Duci nostro partibus aduersis huc caput, atq; illuc conciditur, humerosq; propè resectum tenus comperitur. Quid pluribus? Curtius hic Lechorum, Codrus Polonorum, Godefridus Sarmatarum, Bellisarius, Gallicanus, Mauritius, Eustachius, (verbo) *Stanislans occubuit Zoskieuius excitum Regni Dux, & Cancellarius.* Trunco corporis non nisi inter cadauera comperto, ex aduersisque cicatricibus priscorum bellis prioribus vulnere agnito, nec non manibus dexterâ illâ, & sinistrâ ad septuagesimum annum ætatis Martialiter fulminantibus, concisis laniatisq; crebrius ac crudelius, sed ad posteritatis memoriam gloriosius, A. Milleesimo sexcentesimo vigesimo. O diem sextum Octobris Patriæ luctuosum! Zoskieuius ita pro patriâ occumbenti, gloriosum! postequàm *vicenas ternas victorias*, totidem conflictibus exanthlatis triumphalibus, superiori vitæ suæ tempore Patriæ reliquisset. Caput à ceruice resectum vidisti Bizantine Turcarum Tyranne. Vidisti, spectasti, & ingemuisti, viros adeò fortia pati Christianos: & in spem occupandæ Poloniæ, è visis sublato Zoskieuius, anno insequenti venisti. Sed frustra: in frustra quam, per septenniū suppellectili bellicâ apparatâ, ab extremis Arabiæ desertis, euocatis per *sexcentas Leucas exercitibus, sexcenties millibus ad Chocimum recensitis*, superiectis pontibus Danubio, & Tyræ.

H2

Terrebaris

Terrebaris nihilominus *Osmane* Turcarum Tyranne, Stanisłai Zolkieuii Piis Manibus; & ab Chocimo, non nisi aluco Nestri ab Regno Poloniæ segregatus, per Danubium, quâ veneras, in tuam Bizantium, auream tyrannidos speluncam, vt inde veneras, rediisti, amissis ex tuo exercitu, dum Poloniam deuorare apparas, *ter centenis millibus*; factus & ipsius tuimet Imperatorii iuguli impos, vel inter aurea palatia Imperialia conseruandi. Indoluit fateor Reipublicæ Poloniæ vehementer, Zolkieuium occubuisse: sed indoluit Reipublicæ Poloniæ, & verò Christianitatis causâ vniuersæ. Gloriosissimum nihilominus Zolkieuius, ad posteritatis memoriam ita occubuisse. Gloriosum, Filium eiusdem comitem bellorum, & seruitutis barbaricæ pro Republicâ mancipium factum *Ioannem Zolkiewsky*. Gloriosum, & Nepotum ex fratre *Lucam Zolkiewsky* pro Republicâ, belli & seruitutis incommoda expertum, ita dimicasse Gloriosum, & in Genero fortissimo *Stanislao Koniecpolsky* seruitutem adiisse, pro Patriâ; iterumq; postliminiò reducem (opera Præfecti stabuli Regii *Christophori Ducis Zbarazy*) & Tartaros contra sæpius, & in rebelles *Kozakos* Græcanicæ fidei perduelles. & in Prussiâ, *Gustauum* furiam Suedicam aduersus; & ad Kamenekum in Podoliâ, contra *Abbazy Bassam* Turcicæ tyrannidis paucis ab hinc annis incentorē, castra castris contulisse, & nē tantillū potentia Turcicæ concessisse: Leopolim, quæ Serenissimi Regis pietas in Rempub. Christianā fuerat, ab Moschouiâ & ab Smolensco Moschorum obsidione vindicato, *VLADISLAO IV.* Rege Felicissimo & Bellicosissimo. contra Turciam aduolante. Equidem in Genere suo Illustrissimo *Stanislao Koniecpolsky* Cracouiensi nunc Castellano, exercituum Regni Duce supremo, superuiuere mihi felicissimè videtur Zolkieuius. Imò, ab Zolkieuiano occasu, pullulasse mihi viri fortes melius, quàm à Cadmo offci seminati videntur; *Chodkienicii*, Zolkieuiani animi æmulatores, *Lubomirscii*, *Sienianii*, *Thomæ Zamoscii*, *Ianussii*, *Hieremie*, *Wisniowiecii*, *Kazanowii*, *Chmielecii*, *Lasicii*, *Potocii*. Atq; ita Conseruatores Patriæ Zolkieuium, vt Themistoclem, nec Milciadis calamitas, nec Aristidis exemplum, deteruit; ita hunc, nec Filii vnici *Ioannis Zolkieuii* solitudo, nec Nepotis Fraternalis militaris fortuna *Lucæ Zolkiewski*, post fratrum Catoniano in Africâ Vticensi non absimile fatum, *Adami Zolkiewsky* Castrorum Præfecti, nec eius ipsius virtutis inuidorū obtrectatio, post illos Moschouiticos triumphos, ab Reipublicæ eum conseruatione vnquam depulerunt. Annibalem equidem sui ciues è ciuitate eiecerunt; *Vladislaus Tertius* Rex Poloniæ & Hungariæ, non in Regum suorum sepulchro, sed ad *Warnam*, aduersus *Amuratem* Turcarum Tyrannum dimicans, occubuit. Cui Epithaphio Patrio Maro Polonus *Ioannes Kochanovius* sic parentauit:

*Krol dwu Koron Wladyslaw. Iego poświęcone
Niesz kości w Czczyłym grobie położone.*

Grob

Grob iego, jest Ewropa: słup, śnieżne Bałchany:

Napis, wieczna pamiątka między Chrześciany.

Sanè & tumulus in spæricū collem aggestus (*Mogila*) illo in campo Martio sui pro Republicâ occasus dicitur gloriose *Mogila Zolkieuii*: & verò dicitur, æternumq; tenet, & teneat per sæcula nomen. Exstat certè & præfaga eiusdem Zolkieuii istius sui pro Republicâ occasus Epistola, Barro ex Poloniâ data ad Consortem *Reginam de Herburtis Zolkieuiam* Regni Cancellariam. Recito Polono sermone, Polonum in Rempublicam animum eiusdem; *Jesli w Włoszech, albo gdzie za granicą, śmierć Pan Bog przysła, na odwagę Rzeczy Pospolitej służbę &c. Synu moy, Janie Zolkiewsky, y ty iedzieś zemną na te odwagę, Mogile wysoką vsypać: nie dla ambiciey iakiey tak mieć chce, ale żeby grob moy, był kopcem Rzeczy pospolitej granic; żeby się potomny wiek wzbudzał, do pomnożenia y rozszerzenia Państw granic Rzeczy Pospolitej.* Ita noster Zolkieuius, Craci & Vende tumulis, simillimam sui & suorum secum habere voluit memoriam, aggestu terræ ab cælo semisphæralis. Atq; ita in vno Zolkieuius, & ex eius exemplo, inuenire est Brutos, Camillos, Curios, Fabios, Scipiones, Æmilios Sarmatarum Polonicos, quos ego, & Respublicâ mecum, in Virorum immortalium cætu ac numero repono. Zolkieuium semper fuit, ad illa Diuina & immortalia, exemplo, opibus, sanguine, vitæ dispendio, præire: qualia sunt; *Amemus Patriam, pareamus Regiæ Maiestati, tueamur Ecclesiam, priuatas præcellentias negligamus, æternitatis gloriæ seruiamus, quod acciderit feramus: cogitemus deniq; corpus virorum fortium magnorumq; hominum etiam esse mortale, animi verò & virtutis Christianæ Catholicæ gloriæ fore sempiternam.* Sed me in orationis meæ ductu reprimat calamitatis cuiusdā, tali pro Republicâ occasu, Zolkieuianæ virtutis inuidorum obiectio. Quid agitis Zoili? Videmus (aiunt,) Zolkieuiū non in suā domo, ac lectisterio Senatorio occubuisse. Ego verò Imperatoriū istud fuisse, esse, & fore semper didici, exemplis quā Ethnicorū, quā Christianorū Principū; *Imperatorē in bello, non domi emori oportere.* Si *Boleslaus Audax* Rex Poloniæ expugnatā Metropoli Russicorū Monarcharū, ibidē in campo Martio Kiouiensium ocubisset; ille verò egregiè bellicosissimus occubisset. Expugnatā, occupatā, possessā Metropoli Moschorū ab Zolkieuius; Zolkieuium post tot alia pro Republicâ superata fortia, in oppugnandā Turciā & Tartariā, mirabitur quispiā, cauillabiturq; occubuisse? An non Hungariæ Rex *Ludouicus* ad Mohacziū, contra Barbaros eosdē occubuit? At & *Vladislaus III.* Polonorū & Hungarorū Rex Christianissim⁹ contra *Amuratem* Turcarū Tyrannū occubuit bello ad *Warnā*, seu Dionysiopolim. At, & *Henrici Barbat* Poloniæ & Bohemiæ filius, & Sanctæ Hedwigis, pro Religione Christianā contra Tartaros occumbens, etiā Martyris audit nomine. Quid *Constantin⁹ Duca* Bizantin⁹ Christianorū Imperator extrem⁹, an non in

I

portā

portâ Constantinopolitanâ vrbis oppugnata, & tunc expugnata, ab Sarracenis Machometanisq; cæsus est? & ab eius casu, imperium Orientis amisit Christianitas. At & *Sebastianus* postremus Lusitanæ Rex, Africæ campos & ipse suo sanguine, & tot Lusitanorum virorum multitudine occumbentium cruentavit? qui diu aliquando meditabundus cum hæssisset, rogatus, quid mentis fuisset seriæ? Rex, *De Africâ*, inquit, *cum mihi per ætatem licuerit, sub iugum mittendâ meditabar.* Sed adhuc vrgemur. Filii *Ioannis Zolkieuui* Capitanei Hrubieszowiensis, apud Scythas ex eo bello seruitus opponitur? Ista verò decora sunt Zolkieuianæ in Patriam & Christianitatem pietatis. Vt, quam Patriam Pater non semel seruauerat difficillimis Reipublicæ temporibus, eandem vel suâ calamitate Filius seruandam edisceret. Ego equidem lubens etiam ex vulneribus pro Republicâ claudicasse Ioannem Zolkieuium non negabo: sed tot triumphos, quot gradus gressusue subsidentes, & apud Romanos honori fuisse, læsis eiusmodi nouerimus. At, & ex Fratre Nepos, *Lucas Zolkiewsky* Capitaneus Kalussiensis, pro isto in Rempublicam animo, pro Schismate Græcanico in Kozacis oppugnato, pro Gustavo Hæretico in Prussiâ cum cæteris fugato sapius, ad eosdem Barbaros, tùm in Pontum Euxinum abductus? Ita fanè. Nostorum sed discordiâ; non hostium immanissimâ licet potentiâ factum accidisse, permitto. At Gener, Turciam eo Zolkieuui occasu, captiuus adiit? Fuerit verò, ista illius discordiæ nostrorum procella. At idem ille, in Patriam redux, an non formidabilem se exhibet Kozacis, Suecis, Moschis, ipsis ad Kamenecû Turcis? Profecto non temerè ei voto quispiam cecinit: *Optandû illud, vt ibi esset terminus Regni Poloniæ, ex vi cognominis, per vbi Konicopolscii exercituum Ducis constitisset.* Quod & fieri propè videmus; dum vbi deserti campi fuerant, ibi municipia Konicopolsciana sub Tartarorum Oczakouias augeri audimus colonias. Sed quid ego dissimulo? Quanquam non dissimulo, imò profiteor, præter hos, quos commemoravi, etiam Nepotem ex Filiâ Zolkieuui *Stanislaum Danilowicz*, Hæredem in Olesko & Zolkiew, Palatinidem Russiæ, Capitaneum Korsunensem, Auitæ pro Republicâ deuotionis exemplo, & in Prussiâ contra Suecos, & in Moschouâ contra Schisma Græcanicum, & in extremâ Kiouiensium Thule (Vkrainam vocamus) contra Tartaros, imitatore fieri æmulumq; victoriarum, illi cordi fuisse: iterq; compendiosissimum ad immortalitatis Lauream, pro Republicâ, & fide Christianâ, in campo Martio, vel in Barbarorum seruitute æmori, porrecto etiam iugulo, ad exemplar Martyrum, elegisse: voti tandem compotem factum, viuere desisse. Dolendum hoc, defugiendumq; aliis, execrandumq; videatur? At *Ludouicus* Galliarum Rex, eius nominis Nonus, Anno 1248, adnitente Pontifice Romano, apparentibus à cælo, seu æthere, tribus crucibus, *Odone* Legato Pontificio adistente expeditioni

tionem in Turciæ Palæstinam, ad Sepulchrum Christi, Terramq; Sanctam ab Turcicâ tyrannide vindicandam; *Ludouicus* (inquam) Rex Francorum Sanctissimus, assumptis Fratribus duobus, *Aplbonso*, & *Carolo*; nec non & Filiis suis, cum exercitu triginta millium; adscito in societatem belli Rege Cypriorum, & Armeniorum, & Siculorum, multis præclarè factis ibidem, tandem vix sex millibus superstitibus suorum, cum residuis in seruitutem Sarracenorum venit? non nisi æquis conditionibus ex eadem emancipatus. Idem nihilominus iteratò, Anno 1270, capularis iam senex, in discrimen belli eiusdem profectus, sumptis secum Filiis grandioribus tribus, *Philippo*, *Ioanne*, *Petro*, & Filiâ, (quod miretur Christianitas) natu maximâ, comite rege Nauarræ; vix quarto Filiolo, posteritatis ergò, tenello in Regno Galliarum relicto: rebus in Palæstinâ, non vt in votis fuerat, euenientibus, pestilentia contagione militaris cum seniore Filio in Barbarorum terrâ emortuus. Quid nobis? dolendumne, defugiendum, execrandumq; eiusmodi internecionis & seruitutis fatum videbitur, etiam in Ludouico Nono Gallorum Rege zelantissimo libertatis Christianæ, & Sanctissimo Principe? Quid Rex Sanctus Angliæ *Oswaldus*, quintâ Augusti quem lego in sacris Surii Historiis cæsum, sub Annum 652, ab Britonibus; eiusq; dexteram pro fide bellantem, vnâ cum capite, loco infami suspensam, annum integrum integrè perdurasse Non dissimile fatum Sancti *Edmundi* Regis Angliæ olim. Ab *Iugaro* Rege Daniæ in seruitutem compulsus, flagris mulctatus, scopus sagittariorum alligatus, capite demum truncatus: feris abiectum caput, trunco corporis tandem post restitutû, narratur suâ se voce requirentibus denunciâsse. Atq; hæc etiam de Sanctis leguntur, Patriæ, Christianitatiscq; propugnatoribus. Maneat igitur miserû videri alicui exturbari forunis omnibus: sed pro Republicâ Christianâ pati fortunarû discrimen, miserû non est. Gloriosum est in togâ emori; gloriosius in sago pro suorû incolumitate. Laudabile est, rei domesticæ pati iacturam; laudabilius sua præsidia Patriæ impendisse. Superstitem ad focum Patriæ Filium decorû est reliquisse; at magis decorum, eundem pro Republicâ discrimini obtulisse. Extraneos ad Rempub. tuendâ euocare, at sui præclarum est; sanguinis Nepotes, ad Reipub. salutē seruandâ Patriæ donare, præclarius est: Memorabile est, vnû cuiuspiâ Familiæ, Reipub. operâ impendere; memorabilius, exemplo *Aui* & *Auunculorû*, ad eiusdem Reipub. gloriam sese deuouisse. Agere, pati fortia, Romanum fuerat: fuerat & Zolkieuianum semper. Circumueniri, iugulari, emori, nec Martyribus, nec Imperatoribus belli, pro Deo, & Patriâ, calamitosum; imò gloriosum. Fortunarum, corporis, famæ, sanguinis, vitæ, iuguli, discrimen subire; eorum est, qui virtutem, Patriam, Religionem, Ciuû salutē, nominis memoriâ cum immortalitate adæquandâ susceperunt. Eiusmodi soli sapientes, honesti, rectiq; amantes. Ad Martyrû honorē, eiusmodi accedunt: illis Laureæ pullulant; Coronæ

imò iis Laureta succrescunt. Hos triumphales rhedæ, fellæ cuir-
les, trabes, paludamenta, & id genus, virtutis honestamenta, in
omnem manent perpetuitatem. Atq; hic ego, hocce in *Laureto Zol-*
kieuiano, Virtutis Christianæ domicilio, Integritatis Prythæneo,
Sapientiæ Atheneo, Catholici Martyrii theatro, Imperatoriæ vir-
tutis, fortitudinisq; bellicæ campo Martio, *Stanislaum Zolkiewium*
exercituum Ducem, & Cancellarium Regni, primo Palatinum Ki-
iowiensem, Barensem, Kamionacensem, Iaworowiensem. Capitaneum;
eiusdemq; *Filium Ioannem Zolkiewsky*, Kafusiensem. Hrubieszowien.
Capitaneum; hic Nepotem ex Fratre, *Lucam Zolkiewsky* Palatinum Bra-
sslawiensem, Kafusiensem. Chmielnicens. Pereaslaviensem. Capitaneum. (vti-
nam eiusdem & Vterinum Fratrem, Catoniano occasu collapsum
hic haberem? *Adamum Zolkiewsky*, castrorum metandorum seruandorumq;
Præfectum!) hic *Stanislaum Danilowicz* Palatinum Russiæ, Ca-
pitaneum Korsunensem. supra ætatem, Alexandri & Pompeii genio,
post Suecorum, Moschorum, & Tartarorum oppugnationes, re-
dintegratis toties præliis bellicosum pugnatores; in Laureto isto
sacro depono. Laureatos singulos, & in omnem posteritatis memo-
riam, pro tantâ sui in Rempublicam, Patriamq; Poloniam deuo-
tione Martiâ Laureandos. Etiam adiungo *Reginam de Herburtis*
Zolkiewiam Cancellariam, Ducis exercituum Consortem; vnâ cum
Zophiâ de Zolkieuis Danilowiciâ, Palatinâ Russiæ. Hic pietas,
hic prisca fides, hic inuictaq; bello virtus Zolkieuia parte suæ morta-
litate requiescit. Do Lauros manibus, do lilia plenis. Purpu-
reas dedistis cælo animas: purpureos & ego, Patriaq; vobis spargit
flores; animasq; vestri beatas accumulo Basilicæ à vobis extructæ,
erectæ, fundatæ: donis, & fungor honesto munere, Pios Manes ve-
stros prosequendi officio. In Barbarorum terris seruientes, occumben-
tes, pro Republicâ æternam famam, AVVS, FILIVS, NEPOS, &
NEPOTES, dedistis. Et verò, Dux Magne, Fili Magne, Nepotes
Magni dedistis. *Nulla dies vnquam memori vos eximet æuo. Ma-*
ste pari virtute Viri; sic itur ad astra, vestigiis vestris per castrum.
Quæ vobis, quæ digna Viri, pro talibus ausis, præmia posse rear sol-
uit non erit immemor vnquam Patria istius meriti vestri. At heu
Patriæ desiderium! *Ostendent terris, vos, tantum fata, neq; vltim es-*
se sinent. Equidem superstitibus corporibus, nunquam fuistis Polono-
rum Regno indecores: nec vestra feretur fama levis, tantiq; abole-
scet in Rempublicam, & Christianitatem, vestri gratia facti: nec
vos ob Patriam & fidem bellis cecidisse pigebit. O Diuinam Gen-
tem Zolkieuianam! ita sui sanguinis, pro Deo, & Republicâ, prodigam;
in Scythicis & Turcicis occumbere campis, ita cupidam!
Nec capti potuere capi: medias acies, mediosq; per hostes in Li-
uoniâ, in Prussiâ, in Tartariâ, in Valachiâ, in Moldaviâ, in Tur-
ciâ, inuenere viam suæ, & Reipublicæ salutis, ac gloriæ. Quid Syr-
tes, quid Scylla viris, quid vasta Charybdis, obfuit? Vtinam pa-
ri vale

ri valetudine, ab Ponto Euxino redux *Ioannes Zolkieuus* Capita-
neus Hrubieszouienf. superuixisset, Filius Stanislai Zolkieuus Ducis
quâ, aut *Lucas Zolkiewsky* Capitaneus Kafusiens. ex eadem Scythiâ;
aut quâ, ex Turciâ postliminio Martio reuersus *Stanislaus Koniec-*
polsky Castellanus Cracouiens. Dux Regni exercituum superstes. Cer-
tè vt *Stanislaus Zolkiewsky* Heros fuit eximio Patriæ defendendæ, pro-
pugnandæ, amplificandæ, succensus amore: ita cum parente suo Bella-
tor, cum paribus in seruitute speculator, in ipsa viscera Tartariæ Eu-
ropæ & Asiaticæ duxisset phalanges, Deo Optimo Maximo in vota
vocato, victrices Aquilas Polonorum. Sed non Tartariæ medi-
cari cuspidis ictum eualuit quispiam Machaon. O famâ ingens, in-
gentior armis Dux Polone Zolkieuus! quibus cælo te laudibus æquæ
occasumne prius mirer, belline labores? Insultauerit *Osman* Tur-
carum Imperii Tyrannus capiti tuo Christianissimo & bellicosissi-
mo; Valachiam metire iacens, hæc præmia, qui Turcam ferro ausi
tentare, ferant. At non hæc Osmanicis furiis, non Marte ma-
gistro Machometico euenere. Maior egit maiora quædam Deus: quip-
pè ad immortalitatis & gloriam & memoriam remittimur Christi-
ani, ob Patriam, & fidem, pugnando, bellando, vulnera & funera pas-
si. Equidem Stanislaum Zolkieuum *vicies tricies præliando* pro
Christianitate, victorem, in suo isto *Laureto* Lauretanaq; Diuorum
LAVRENTII & STANISLAI Martyrum Basilicâ, Apostolicis Di-
plomatibus Benedictionibus Pontifices Maximi Romani honestauere.
Imperatorum Romanorum Fraternali Maiestates sensere. Serenissimi
Reges Poloniae, *Sigismundus III*, Anno 1621. & *Vladislaus Quartus*
Anno, 1634 dilexere; vel vitâ pro Repub. functum, in suâ munici-
pali Zolkieuensi Arce, Vrbe, & (de quâ sermo est) Basilicâ quiescen-
tem parte suæ mortalitatis, visitauere. Quod reliquum est; æternam
vestri nominis Zolkieuiani memoriam, & Patria Regni Poloniae caris-
sima, & istius Basilicæ Laurentianæ & Stanislainæ *LAVRETVM*
Sanctissimum; & Societas IESV Religiosissima, quâ Barum inducta,
quâ Leopoli firmata, quâ Pereaslaviæ plantata; Pallados, & Bellonæ
Viros Zolkieuos, nullâ vnquam temporum iniuriâ conticescet: sed
sempiterno æuo virtutem Zolkieuianam Lechia vniuersa desiderabit in
Regno Poloniae propagari. FIAT.

EPITAPHIA Zolkieuianæ Memoriam.

In sublimi colle spæricè aggesto Zolkieuianæ memoriam, pro
Patriâ, & fide occumbenti, in Valachiâ, trans Tyram.

COLOSSVS

K

Dco

Deo Trino & Vni.

Hospes. Si Christianus hūc accedis; pro Christi fide interempto vota
non denega: si Paganus venis; Lapidī nē inuideas locum.

Quisquis ades: Quām dulce & decorum sit, pro Patriā mori
Ex me disce

STANISLAUS in Zolkiw ZOLKIEWSKY, Regni Poloniae
Cancellarius, & exercituum Dux Supremus: Barenfis, Kamio-
nacenfis, Iaworouiensis, Capitaneus: post reportatas de Ko-
zacis rebellibus, ac de Tartaris victorias; post actos subiugata
Moschouiā triumphos; Req; publicā Polonā, quā pace, quā
bello præclare gubernatā, fortiter cum Tartaris dimicando

H I C O C C V B V I T.

Vos meo sanguine conspersi campi, debitæ meæ in Deum
& Patriam pietatis, fideles perenni memoriæ estote testes.

Anno Domini M. DC. XX. Octob. VI.

DEO OPT. MAX.

STANISLAUS in Zolkiw ZOLKIEWSKY, Cancellari⁹ Re-
gni Poloniae, & exercituū Dux Suprem⁹; Baren. Iaworow. Capit.

Kozacis rebellibus debellatis,

Tartaris ad Vdyczum profligatis,

Moschorum Tyranno capto, & eorum Monarchiā domitā;
cū victor ac triumphator orbi terrarum claresceret, nē
& in cælis triumphali pompā, & victrici coronā careret;
In Moldaviā ad Tyram cum Tartaris fortiter dimicando

PROFIDE CHRISTI, ET PATRIA,

SACRA VICTIMA OCCVBVIT

Anno reparatæ salutis M. DC. XX. Octob. VI. Aetatis suæ LXV.

Truncus eius, publico luctu, domesticis penatibus illatus: &
caput Bizantii Barbarorum insolentiæ expositum, magnāq;
postea Mæstissimæ Coniugis curā inde reportatum, in hoc
reguntur tumulo.

Tibi Hostis ad terrorem. Tibi Hospes ad exemplum.

D O M

JOANNES ZOLKIEWSKY

Hrubieszouien. Iaworowien. Kalusz. Capitaneus.

Magni

20
Magni Patris ad magna natus Filius vnicus, Virtutis ac
Gloriæ eius ubiq; , dūm per ætatem licuit, comes.

In eo prælio, quo Pater occubuit, à Tartaris captus, ac
postliminiō reuersus, (fortunā in rebus humanis luden-
te.) inter ipsas Patriæ, & eius spes, ab votis, oculisq; o-
mnium præpropere fato creptus.

Ætatis suæ florem, in eam, quæ nunquam marcescit, cæ-
lestem Gloriam magno lucro commutauit.

A. Dñi, M. DC. XXXIII. April. 26. Aetatis suæ XXVIII.

Quos mors separauerat; idem nunc, Patrem & Filium tegit Lapis.
Hunc lachrymis conspersū Vnica Filia ZOPHIA, CONIUNX IOANNIS DANILOWICZ
Palatini Russiæ, tanquā perpetuum suæ in PATREM pietatis, & in FRATREM
Amoris, æternoq; dolori Dictum, MONUMENTVM mæsta posuit

D. O. M.

REGINA DEFVLSTITN

Stanislai Zolkiewsky, Regni Poloniae Cancellarii, & exerci-
tuum Ducis Supremi CONIVNX.

Insigni pietate, Deo & hominibus conspicua: secundæ
Mariti fortunæ, & domesticarum postea calamitatum su-
perstes: in prosperis animi moderatione; in aduersis for-
titudine sexum superans; Magna ubiq; Heroïna.

Relictis posteritati Matronalium Virtutum præclaris exem-
plis; Spiritum, vndē acceperat, reddidit. Anno Dñi. M. D. C.
XXIII. Die VI. Nouembris. Aetatis suæ LX.

Corpus in his Sacris Aedibus, quarum (vt vides hospes)
splendorem, curā, & sumptu suo plurimum auxit

Vnica illus Filia Hæres, Zophia in Zolkiw Danilowiczowa,
Terrarum Russiæ Palatina, magno luctu, & debitā in PA-
RENTEM pietate condidit.

D. O. M.

ZOPHIA in Zolkiw, Magni Cancellarii, exercitusq; Su-
premi Ducis, Stanislai Zolkiewsky, & Regiæ Herburtoviæ Fi-
lia: Ioannis de Olesko Danilowicz, Palatini Russiæ CONIVNX.
Religione, Pietate, Modestiā, rebusq; in agendis constanti
& æquabili prædita Prudentiā: Matronalis Pudicitæ, &
virtutis exemplar; egentium pupillorum Bona Mater & Pa-
trona; Exuuias mortalitatis hīc deposuit, & immortalitatis
Gloriam, beatā in spe Resurrectionis hīc expectat

K 2

Vixerat

Vixerat Annos supra xxxiv. Obiit anno M. DC. XXXIV.
XIII Kalend Septembr. Filius *Stanislaus Danilowicz*,
Desideratissimæ Parenti, hoc posuit M.

Ossa STANISLAI à Zurom, in Olesko, DANIŁOWICZ.
Terrarū Russiæ Palatinid. Præfecti Korsunen. hæc capit urna.

Ingentem illum animum, summâq; virtutes in suo condidit sinu perennis fama.
Pueritiam nutriebant liberales artes: Adolescentiam expoliuit variarum Gen-
tium solum: Iuuentutem erudiuit SIGISMUNDI III. Aula
In rebus verò bellicis Spiritum, Industriad, ac Fortunam, sensit ad Smolen-
skum Moschus; vidit admirabundus VLADISLAVS IV.
Neq; hîc substitit magni ardor animi. Dùm Auiti Sanguinis ultor, & rerum
ab eo gestarum satagit esse imitator, sit & eiusdem fati æmulus.
Fortiter cum Tartaris dimicando, ab his captus, & *Kanimsi*, execrabili
apud Barbaros etiam, mandato, in vinculis mactatus, *Turimi* manibus: quem
Pater (nè quid ad summum crudelitatis fastigiū deesset, ex filio esse voluit sicariū)

INNOCENS,

Gloriosa tamen, memorabilis in Religionem & Patriam Pietatis.

C E C I D I T V I C T I M A

Anno Dni. M. DC. XXX VI. Ætatis suæ XXII,

D. O. M.

Super Te quoq; Pronepotem Zolkienii, Cancellarii & Exercituū Ducis; Nepotem
Illustrissimi Ioannis Danilowicz Palatini Russiæ; FILIVM Illustrissimi IACOBI
SOBIESKI & THEOPHILÆ in Zolkiew Palatin. Belzen. Krasn. lauor. Capit.
O STANISLAE SOBIESKY Palatinule Belzensis
Die Palmarum natum, ipso die visitantis Elisabetham Virginis, denatum
terris; ætate trimestrem; Baptismate Christianum; innocentia Angelum.
caelo donatum

Purpurei sparsi flores, manibus data lilia plenis.

Ab MARCO & IOANNE SOBIESKI Fratribus,
Ab CATHARINA & ANNA Sororibus superstitis.

✠✠✠



In Officinâ Typographicâ Academiae Zamoscensis.

Imprimebat, Alexander Pawłowicz.

J. X. XII. 10

